

*MASTER  
NEGATIVE  
NO. 91-80321-6*

MICROFILMED 1992

COLUMBIA UNIVERSITY LIBRARIES/NEW YORK

as part of the  
"Foundations of Western Civilization Preservation Project"

Funded by the  
NATIONAL ENDOWMENT FOR THE HUMANITIES

Reproductions may not be made without permission from  
Columbia University Library

## COPYRIGHT STATEMENT

The copyright law of the United States -- Title 17, United States Code -- concerns the making of photocopies or other reproductions of copyrighted material...

Columbia University Library reserves the right to refuse to accept a copy order if, in its judgement, fulfillment of the order would involve violation of the copyright law.

*AUTHOR:*

THIMME, ADOLF

*TITLE:*

QAUAESTIONUM  
LUCIANEARUM.....

*PLACE:*

HALIS SAXONUM

*DATE:*

1884

Master Negative #

91-803 21-6

COLUMBIA UNIVERSITY LIBRARIES  
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

88L96

DZ8

v.3

Thimme, Adolf, 1857-

Quaestionum Lucianearum capita quattuor. Dis-  
sertatio inauguralis quam ... scripsit Adolfus  
Thimme ... Halis Saxonum, typis Orphanotrophei,  
1884.

62 p. 21 cm.

Thesis, Göttingen, 1884.  
Volume of pamphlets

46877

Restrictions on Use:

TECHNICAL MICROFORM DATA

FILM SIZE: 35 mm

REDUCTION RATIO: 1/x

IMAGE PLACEMENT: IA (IA) IB IIB

DATE FILMED: 12-11-91

INITIALS ER

FILMED BY: RESEARCH PUBLICATIONS, INC WOODBRIDGE, CT





**AIM**


**Association for Information and Image Management**

1100 Wayne Avenue, Suite 1100  
Silver Spring, Maryland 20910


301/587-8202



Centimeter





Inches




MANUFACTURED TO AIM STANDARDS

BY APPLIED IMAGE, INC.







88L96

70.1

QUAESTIONUM LUCIANEARUM

CAPITA QUATTUOR.

DISSERTATIO INAUGURALIS

QUAM

AUCTORITATE ATQUE CONSENSU

AMPLISSIMI PHILOSOPHORUM ORDINIS

IN

ACADEMIA GEORGIA AUGUSTA

AD SUMMOS IN PHILOSOPHIA HONORES

RITE CAPESSENDOS

SCRIPSIT

ADOLFUS THIMME.

ELBINGERODENSIS.

GOETTINGAE MDCCCLXXXIV.

HALIS SAXONUM

TYPIS ORPHANOTROPHEI

MDCCCLXXXIV.



MUSEO DI L. 925 M.

CAROLO DILTHEYO  
SACRUM.

88 L 96.

DZ 8

v. 3

# I.

## De secunda peregrinatione Luciani.

Lucianus senex in Herc. c. 7: *ἔσχατοί μιν πρὸς ἑμάν-  
τον*, inquit, *ἐλ' μοι καλῶς ἔχει τιμωρῆδε ὄντι καὶ πάλαι  
τῶν ἐκιδείξεων πεπαιγμένῳ αὐτῆς ἐντὲρ ἑμάντοῦ ψῆφον διδόν-  
ται τοσοῦτοις διζασιαῖς.*

Cum Samosatensis his verbis se denuo longinquiore  
spatio intermisso in publicum prodisse profiteatur, plerique  
homines docti existimaverunt, ab eo iterum peregrinationem  
rhetoricam initam esse talem, qualis iuvenem Rhetoricesque  
maritum ad tot tamque remotas terras impulerit visendas.<sup>1</sup>

Atque quia saepissime inopia homines cogit ad labores  
subeundos, eum nescio quo casu fortunas partas perdidisse  
suspicati sunt.<sup>2</sup> Quod procul dubio concluserunt ex Apol.  
c. 10, ubi cur munus illud Aegyptium ingressus sit, Sabino  
amico lepidis iocis exponit. Verba enim sunt haec c. 10:  
*μία μοι ἴσως ἄγνορα ἐπὶ ἄβροχος· ὁδέρεσθαι τὸ γῆρας καὶ  
τὴν νόσον καὶ μετὰ τούτων τὴν πενίαν πάντα ποιεῖν καὶ*

1) cf. Wetzlarium, C. F. Hermannii pedisequum in diss. de vita  
etc. Luciani. Marburg 1834, Planckium, Prellerum, Schwarzius alios.  
Sommerbrodtius Ausgew. Schriften des Lukian I p. XV: 'In seinem  
höheren Alter', inquit, 'sehen wir ihn noch einmal ... den Wanderstab  
ergreifen, noch einmal in früherer Weise durch Declamation und Vor-  
lesung seiner Schriften um den Beifall des Publicums werben.' Simi-  
liter Jacobitzius in edit. III p. 494 et Croisetus in I. Essai sur la vie  
et les œuvres de Lucien. Paris 1882 p. 38. 83.

2) cf. Wetzlar. I. c. p. 54: 'Sed cum iam senesceret, fortunae  
vices expertus est, nam res eius familiaris sensim sensimque diminuta  
esse videtur.'

πείσχειν ἀναπειθόντων.' Haec igitur ad veram causam Luciani pertinere opinati sunt. Sed hanc causam Lucianus ipse iam exprompsit verbis c. 9: 'εἰ... ἐκεῖνο λέγοιμι, μήτε ἐπὶ χορηγίων μήθ' ἐπ' ἄλλης τινὸς ἐλπίδος τοιαύτης δελεασθεῖς ἐποστίῃναι τὴν παροῦσαν σενουσίαν.' Atque si illa eo modo interpretantur, omnino repugnant, quae leguntur in c. 11: 'οὐδ' ἡμεῖς οὕτω πένητες ἐλλόγον ἀπολογίας, ὥς ἐπ' ἀπορίας τὰ τοιαῦτα χρησιμώτα πρὸς τὴν κατηγορίαν ἔχουσιν': quibus indicatur, causam illam nihil nisi vanum praetextum futurum fuisse. Vera inest causa in verbis c. 9: 'τὴν σένεσιν καὶ ὠδρεῖαν καὶ μεγαλόνοισιν τὸν ὠνδρὸς θανατώσας ἐξελεῖσαι ζοιωνῆσαι πρῶτον τῷ τοιοῦτῳ.' Sed fac, inopia commotum munus illud 'πολυάλλαντον', quod videlicet ita describitur, ut esurienti extremum refugium praeberere videatur. Lucianum suscepisse: num eadem causa ad iterandas declamationes — fortasse decem annis ante<sup>1</sup> — adductus sit, nescimus, cum de hac re prorsus tacuerit.

Mirum tamen esset, si Lucianus senex denuo ad artem rhetoricam, iam pridem tanto clamore non sine ostentatione derelictam, accessisset. Neque dubium fere est, quin dialogis libellisque satyricis recitandis victum sibi quaesiturus fuerit, non declamationibus sophisticis.

Deinde vero, quamquam ex Herc. c. 7 certo concluditur, Lucianum denuo in publicum prodisse, nondum exploratum habemus, utrum semel, an saepius, peregrinans, an uno remanens loco dixerit. Itaque quid rei sit, diligentius sciscitaturus sum.

Verba 'πάλαι τῶν ἐπιδείξεων πεπαιγμένον' falso interpretati sunt ei, qui crediderunt, Lucianum de eo tempore loqui, quo rhetoricam quadragesimum fere annum aetatis agens deseruit, falso, dico, quia etiam post illud tempus

1) Interesse aliquod tempus inter Herculem Bacchumque et Apologiam conspicuum est, cf. Herc. c. 8: 'ὀποπόλιον γέρεϊον' et 'γέρον' saepius in Herc. et in Bacch. — cum Apol. c. 1 et 4: 'ἐν γῆρα δὲ ὑπάρχω καὶ σφιδόν ὑπὲρ τῶν οὐδῶν.'

ἐπιδείξεις habuit, cum scripta sua in publico recitaret.<sup>1</sup> Nam 'ἐπιδείξεις' et 'ἐπιδείκνυσθαι' usurpantur et de sophistarum declamationibus et de recitationibus poetarum scriptorumque et de unoquoque artifice, qui artis suae specimen in publicum edit. Hoc ex Luciano ipso perspicitur, cf. Harmon. c. 3: 'ἔσοι δόξης δαέγοντα διμύσιόν τι ἐπιδεικνύμενοι.' De tibicine in eiusdem Harm. c. 2 dicitur: 'εἰ τοῦτοίς ἐπιδείξαιο τὰ ἀλφύμια.' De Alexandro praestigiatore Alex. c. 16: 'τὴν δὲ ἐπιδείξιν οὐχ ἔλατ' ὁ μαγός.' Denique de semet ipso dialogos recitante Lucianus in Piscat. c. 6: 'αὐτὰ γοῶν', inquit, 'ἐπιδείκνυμαι ὠθρόποις', cf. Prom. in verb. c. 2: 'ἡμεῖς δὲ εἶδομεν ἅπαντα ἐπιδεικνύμεθα' etc.<sup>2</sup> Ergo verba illa: 'πάλαι τῶν ἐπιδείξεων πεπαιγμένον' non ad declamationes sophisticas, sed ad librorum recitationes referenda sunt.

Itaque sic res se habet: Samosatensis usque ad quadragesimum annum rhetoricam exercuit artem: tum scripta sua publice recitabat; postea, cum nondum consenuisset, aliquamdiu, sine dubio per complures annos, scripta publice recitare destitit: tum vero, senex factus, eo tempore, quo Herculem scripsit, denuo in publicum prodit.<sup>3</sup>

Quae cum ita sint, recitatio libelli cuiusvis, quem paulo ante conscripserat, praefationem, quae 'Ἡρακλῆς' inscribitur, excepisse videtur, non declamatio.

Dixerit forsitan quispiam: si hae praefationes a rhetoribus prolusionum loco habitae sint, quod e Plinii epistulis cognoscitur, eas quoque declamationes, quibuscum copulatae

1) cf. Bis Accus. c. 28. Piscat. c. 26. Apolog. c. 3. Prom. es in verb. c. 2.

2) Saepius simplex 'δεικνύναι' pro 'ἐπιδεικνύναι' usurpatur, cf. Apol. c. 13: 'τὸ σέγγραμμα καὶ ἐν πολλῷ πλήθει δεικνύνει.' Cf. Herod. c. 7. Harmon. c. 3. Seyt. c. 10. al.

3) Ne quis e vocabulo quod est 'πάλαι' quidquam concludat, quippe quod ex contextu verborum omne fere temporis spatium a parva dici particula ad longam saeculorum seriem significare possit; c. c. cf. Luc. Tim. 58 vel Toxar. 30 cum Tim. 36 vel Char. 9.

erant, pro sophisticis habendas esse. Atque quod viderim ea scripta Luciani, quae 'προλαλία' appellare consuevimus,<sup>1</sup> ab hominibus doctis semper exempla talium praefationum rhetorum prolata sunt. Nec tamen hoc sine exceptione quadam dici potest. Nam Plinius, cum in Epist. I, II, 3 et IV, 11 Isaei et Liciniani rhetorum praefationes commemorat, alibi, Epist. I, 13 de eorum quoque, qui libros recitaverint, praefationibus loquitur.<sup>2</sup> Atqui si quis Luciani Bacchum, Herculem, Electrum, Promethea in verbis, Zeuxim, Herodotum, Harmonidem, Scytham attente perlegerit, concedet, haec omnia esse peculiariora Luciani ingenio, neque ad usitatam rhetorum formam redacta ea credet. Distant enim δὲ διὰ πάσων, ut aiunt, et a declamatiunculis mere sophisticis Luciani, ab Hippia, Dipsadibus, Encom. muscae, aliis,<sup>3</sup> et ab Apulei narratiunculis, quae oratoriis quisquiliis depictae in Floridorum fragmentis inveniuntur. Deinde mirum esset, ex Samosatensis aetate iuvenili tam paucas superesse ipsas declamationes, praefationes vero tot. Ergo non rhetorem sophistamve eas declamasse Lucianum, sed λογογράφον, ut Lucianeo vocabulo utar, eas recitasse arbitror. Hoc de nonnullis earum luculenter potest demonstrari. Itaque Meesius,<sup>4</sup> etsi totum hoc genus primae aetatis rhetoris addixit, ipse eximit de numero iuvenilium operum (praeter Bacchum et Herculem) Promethea in verbis et, dubitanter tamen, Zeuxim, quos ad satyrica scripta commendanda compositos esse coniecit. Et recte: de Prometheo enim nemo dubitabit; et quae in Zeuxidis c. 1 inveniuntur exclamationes: 'ὦ τίς καυό-

1) Hic titulus est in codd. Baccho tantum et Herculi inscriptus.  
2) cf. Martial. III, 18 item Quintilianum, Senecam al. — Si modo vox Graeca 'προλαλία' respondet Latinae 'praefatio', quod accuratius demonstrari non potest. Cf. Volkmann. Rhetor. p. 308 et Cresollium Theatr. vet. rhetor. p. 414.  
3) Male haec omnia confunduntur a Kaysero in edit. Philostrati p. V.  
4) in comment. de Luc. studiis et scriptis iuvenilibus. Roterod. 1841 p. 30.

υγος' 'Ἡράκλεις τίς παραδοξολογίας καὶ' nemo ad dialogos satyricaque scripta antea recitata referre non potest, cum in sophisticis, quae supersunt, quid novi insit, nesciam. Lucianus igitur eo tempore, quo Zeuxim scripsit, iam transierat ab rhetoricis ad satyrica scripta componenda. Itaque cur Meesius de Baccho, quem sophisticis annumerat, aliter iudicaverit, non intellego. In Bacchi enim, quem eodem fere tempore atque Herculem composuit auctor, cap. 5 ita de materia recitationis quam habiturus est, loquitur, ut non sophisticum sed satyricum atque 'παραδοξόν' argumentum ea contineri appareat. Conferas velim ea potissimum verba, quae sunt sub finem capitis: 'ἐπαγγέλλομαι αὐτοῖς ὅτι ἢ καὶ νῦν ὥς πρότερόν ποτε τὴν τελειὴν ἐθελήσωσιν οἱ παλαιοὶ συμπόται κόμων κοινῶν τῶν τότε καιρῶν, καὶ μὴ καταφρονήσωσι τῶν Σατύρων καὶ Σεληγῶν κτλ.' Equis est, qui γγ, τῶν τότε καιρῶν referenda putet ad id tempus, quo Lucianus, scilicet ante plus viginti annos rhetor extiterit? Nonne optime referuntur ad scripta satyrica, quae permulta legerat, minime vero ad declamationes usitatissimas easque mediocres? Atque etiam alias, quae quidem post iter Luciani, quod Bis Acc. c. 27 describitur, conscriptae videantur, praefationes ita coortas esse puto, ut recitationibus antecesserint, non declamationibus rhetoricis, quae sunt Electrum<sup>1</sup> et Herodotus.<sup>2</sup> Tiocinia huius generis videntur existimanda esse Harmonides et Scythia, quorum de tempore, num tempori rhetorico auctoris adiudicanda sint, adhuc ambigo. Concedendum tamen est, omnes προλαλίαι aliquantulum differre ab aliis scriptis satyricis vel historicis Luciani, ita ut et in narrandi ratione et in ornatu oratorio paulo propius accedant ad rhetorica. Quod ni fallor optime explicatur: rhetorica enim usus est forma Lucianus, ut praefatione — memoriter fortasse pronuntiata — velut specimen liberae dicendi artis daret, priusquam 'σύγγραμμα' aliquod ex manuscripto legeret.

1) cf. c. 2. 2) cf. c. 5.

Quoniam igitur vidimus, praefationibus, nisi omnibus, certe plerisque, non rhetorica, sed scripta alius argumenti adnexa fuisse, redeo nunc ad Herculem et Bacchum, de quibus supra iam disserui. Recitationes enim cum his praefationibus coniunctae quatenus fuerint, nescio an accuratius explorare possimus.

In Bacch. c. 7 Lucianus, narratiuncula de fonte Sileni propemodum peracta, pergit: 'ὁ μέντοι παραδοξότατος οὐδέποτε εἶπεν.' Quibus verbis haud praetereundis orator audientes attentiores reddere vult, ad se ipsum a narratione, quam exempli causa attulit, transiturus. Eadem enim in Hercule eo reperiuntur loco, quo scriptor de semet ipso loqui incipit, c. 3: 'καίτοι ὁ παραδοξότατος οὐδέποτε εἶπεν.' Deinceps Lucianus Bacch. c. 7: 'ἦν γὰρ ἀτελής', inquit, 'ὁ γέρον μετὰ τὴν καταλίπῃ, ὃν διεξήκει τὸν λόγον, δέντιος ἴλλον κολυθὲς ἐπὶ πέρας αὐτὸν διεξελθεῖν, ἐς νέωτα πύδων αἰθῆς ἐκάτω συνάγει ἂν πέρον αὐτὸν λέγοντα ἢ μέθῃ, κατέλειπε.'

Nescio quomodo factum sit, ut haec verba ab interpretibus prorsus neglecta sint, quanquam bona explicatione carent. Wielandius, qui solus ea meditatius esse videtur, annotavit<sup>1</sup>: 'Dieser Prolog würde dadurch gewinnen, wenn wir den Ort, die Zeit und andere Umstände wüssten, wo, wann und unter welchen er gehalten wurde. Mir scheint wahrscheinlich, dass er in einer Stadt, wo Lucian ehemals vielen Beyfall erhalten, nach einer vieljährigen Abwesenheit, gesprochen worden sey; wenigstens lässt sich der räthselhafte Theil desselben aus dieser Voraussetzung ziemlich leicht erklären.'

Nec vero video, quemadmodum ea, quae supra exscripsi, hae coniectura explicentur. Immo: obscurissima manent, nisi, quod primo aspectu fortasse paene ridiculum videtur, de ipsius Luciani recitatione interrupta verbotenus intelleguntur, cum praesertim Lucianus discrete addat c. 8: 'ταῦτά

1) Lukians Werke T. III, p. 437 ed. Lips.

μοι κατὰ τὸν Μῦθον εἰς ἑμαυτὸν ἀποστέλλω' et: 'ὁ γὰρ γὰρ ἦδη, καὶ' ὅτι τῷ μέθῃ εἶτα.'

Sed quomodo hoc fieri potuit? quomodo, siquidem de rhetorica declamatione agi putaverunt homines docti, orator, postquam mediam orationem interruptit, anni spatium intermisso, pergere atque longius insequi potuit? De hac re recte nemo cogitavit.

At declamationem omnino non habitam esse supra demonstravi, sed recitatum esse librum aliquem. Ita res plane ac prorsus aliter sese habet: dummodo librum fuisse talem existimemus, ut ea pars, quae priore anno recitata esset, editione publici iuris facta in audientium manibus versata sit, priusquam alteram partem ab recitatore audivissent; neque enim quisquam sanus omnia ab auditoribus memoria retenta esse putare potest. Qua re de uno eodemque libro cogitandum non erit, sed de duobus, quorum prior solus editus esse possit. Itaque libelli Samosatensis perlustrandum sunt, si inveniri possint duo, qui ita inter se coniuncti sunt atque conexi, ut alter eo loco producat narrationem quo prior substituit. Neque enim huc spectant, quibus occultior tantum series inest argumenti atque consecutio, ut Vit. auctioni et Piscatori, Peregrino et Fugitivis. Atqui inter omnia Luciani scripta unum tantum par reperitur, quod ad ea quae postulamus respondeat: ergo habemus quod quaerimus, Verarum Historiarum dico libros duos. Ad quos secundum quoque illud egregie quadrat. Birtius<sup>1</sup> enim optime admonuit, Ver. Hist. unum ex omnibus scriptis Luciani in libros esse divisum: quam ob rem mihi quidem veri simillimum videtur, priorem 'monobiblon' editum esse.

Supervacaneum esse non puto, hoc loco inquirere, num tempus, quo Verae Historiae conscriptae sint, cum rationatione nostra congruat.

Planckius<sup>2</sup> Ver. Hist. libros collocavit inter l. de merc. cond. et l. de hist. conser., quem brevi postea scriptum putat.

1) Antikes Buchwesen p. 295.

2) Quaest. Luc. p. 19 seqq.

Itaque Timonem Dialogos Mortuorum Tyrannum etc. posteriori tempori attribuit.

Sommerbrodtius<sup>1</sup> Veras Historias Luciani secundae periodo adscripsit, cui verba praeposuit: 'Schriften der Übergangsperiode. Beschäftigung mit der Philosophie.'

Qua de re facere non possum quin aliter iudicem. Auctorem enim Verar. Hist. vel plurima lectitasse conspicuum est: sed non tam philosophorum scripta rhetorumve, quam historiarum fabularumque copias. Tempore autem, quo Sommerbrodtius Veras Hist. conscriptas esse voluit, Luciano prorsus alia curae erant: philosophica et rhetorica. Concedo philosophos etiam in Ver. Hist. II, 17 seqq. ei ludibrio esse, ita tamen, ut leviter perstringantur quasi a victore, qui iam pridem serio cum iis dimicare destiterit. Paucis igitur hoc loco complectitur, quae ubique in eos iocosa satyricaue iactaverat. Quenam vero seria pugnandi ratio Luciani fuerit, si cognoscere studeas, compares egregium qui Hermotimus inscribitur dialogum.

Complura deinde ex ipsis Ver. Hist. colligi possunt. Saepius enim scripta alia sua quasi digito demonstravit. Itaque praeter V. H. II, 18 verba 'τῶν δὲ Στωϊκῶν οὐδεὶς παρῆν· ἔτι γὰρ ἐλέγοντο ἀναβαίνειν τὸν τῆς ἀρετῆς ὄρειον λόγον', quae ad Hermotimum (cf. c. 5) reicienda sunt, conferantur V. H. II, 9: 'τοῦ δ' ἐδικάσθη περὶ προεδρίας Ἀλεξάνδρου τε τοῦ Φιλίππου καὶ Ἀντίβου τοῦ Καρχηδονίου' eum Dial. Mort. XII; V. H. I, 29: 'ἐνθα καὶ τὸν ἡμέτερον λόγον ἐγνώρισαι καὶ προσέειπον αὐτὸν καὶ περὶ τῶν καὶ οἷον ἐπὶ τῶν αὐτῶν ὅπως ἔχουσιν· ὁ δὲ μοι διὰ τῆς ἐξείρας διαγίγαστο' cum Tyranni c. 27;<sup>2</sup> V. H. II, 24 'μεσσιτόμενος τὴν πειραστικήν' cum Vit. Auct. c. 6: 'ἢ μισῶν τοὺς κλέμους;' V. H. II, 31: 'πυλωρὸς ἐφειστέλει Τίμων ὁ Ἀθηναῖος' eum Timone.

1) Ausgewählte Schriften des Luc. I p. XX.

2) Tyrannum e. a. 170 scriptum esse Fritzscheus contendit in edit. III, 2 p. 127.

His omnibus, quae attuli, Planekii sententia labefactata videtur: neque enim dubium est, quin illae res primo priore aliquo vitae tempore accurate ab auctore pertractatae sint, postea, ut memoria renovaretur, iterum strictim attactae.

Itaque Rohdus<sup>1</sup> melius coniecit, libros, de quibus agimus, scriptos esse eodem fere tempore atque Icaromenippum et Alexandrum, id est post a. CLXXX., quod Lucianus hac senili aetate Epicuri laudi valde faverit.<sup>2</sup>

Quocum optime congruit, quod, si usum particularum respicimus, Verae Historiae artissime cohaerent cum his et ceteris scriptis, quae a Luciano sene composita et sunt et videntur esse.

Nam primum quidem particularum copulatio 'καὶ ἄλλα', quae saepissime usurpatur in Dialogis Deorum et Mortuorum Charone Gallo Piscatore Bis Accusato Hermotimo Timone aliis prorsus deest in scriptis senilibus: Apologia pro mercede conductis Pro lapsu Baccho Hercule Verar. Hist. I. I, II, Alexandro Icaromenippo Saturnalibus Cronosolone Epistolis Saturn. al., raro inest in I. de morte Peregrini de mercede conductis Rhetorum praeceptore Philopseude.

Particula μὲν coniungi solet in dialogis illis florentis aetatis cum simplici καὶ, in senilibus scriptis aut eum duplici καὶ coniungitur, aut omnino deest. Itaque καὶ μὲν saepe in Dialogis Deorum et Mortuorum Charone Gallo Piscatore Bis Accusato Hermotimo Timone — καὶ μὲν καὶ his omnibus dialogis deest,<sup>3</sup> inest vero in I. de morte Peregrini de mercede conductis Rhetorum praeceptore Verar. Hist. I. I, II, Saturnalibus Epistolis Saturn., qui contra illo καὶ μὲν carent.<sup>4</sup> Vacui sunt a particula μὲν II. Apologia pro mercede conductis Pro lapsu Bacchus Hercules Alexander Cronosolon.

1) Gricch. Roman p. 191.

2) cf. V. H. II, 18. Cf. Bernays Lucian u. d. Kyniker p. 43.

3) uno tantum loco Dial. Mort. 13, 1 adhuc (etiam a Fritzscheo) legitur καὶ μὲν καὶ, sed procul dubio secundum καὶ cum praestantissimis codd. ἄφθελον delendum est.

4) In Icarom. tamen et καὶ μὲν et καὶ μὲν καὶ inveniuntur.



Adverbium 'ἄλλος' saepissime a Luciano usurpatum non invenitur tamen in Apologia pro mercede cond. Pro lapsu Baccho Hereule Verar. Hist. I. I, II, Alexandro Icaromenippo Cronosolone al.: inest vero in omnibus illis: Dialogis Deor. et Mort. Charone Gallo Bis Accusato Hermotimo Timone aliis.

Denique fortasse commemorari potest, particulam δὲ in scriptis, quae posteriori aetati Samosatensis attribuantur, nunquam ad imperativum addi: in Apologia pro mercede cond. Pro lapsu Baccho Hereule Alexandro Ver. Hist. I. I, II, Icaromenippo Cronosolone Saturnalibus Epist. Saturn. Philopseude Rhetorum praeceptore de morte Peregrini de mercede conductis.<sup>1</sup> Saepius coniungitur δὲ cum imperativo: in Dialogis Mortuorum Gallo Vitarum Auctione Piscatore Bis Accusato Hermotimo.

Lucianum posteriore aetate, quod ad scribendi materiam attinet, propius accessisse ad scriptores romanenses, qui dicuntur, eisque similes, optime cum in Baccho et Hereule iam sentimus, tum in Electro, Philopseude, Icaromenippo.

Atque eosdem Lucianum eo tempore, quo Ver. Hist. conscripsit, studio ac favore amplexum esse apparet: magnam enim partem eorum, quae in Ver. Hist. iocatur, e Ctesia fluxisse scriptor ipse indicat I, 3; ut narrationes de fontibus mirabilibus in Ver. Hist. I, 7 et II, 16 haud dubie imitantur medicum illum, qui de fontibus permulta conguessit mira.<sup>2</sup> Itaque eam quoque narratiunculam de fonte Sileni, quae in Baccho est, e Ctesia assumptam esse probabile est; et cum similia exceptis his duobus libellis apud nostrum non inveniuntur, hoc quoque argumentum fore putavi, Bacchum et Ver. Hist. libros uno tempore scriptos esse.

Nec vero omnem fructum ex narratiuncula illa ex Bacch. c. 7 desumpta iam percepimus nostrae disputationi:

1) v. merc. cond. c. 6 γέρον οὐν, c. 10 γέρον ἤδη pro γέρον δὲ, quod alibi saepe legitur.

2) cf. Indic. 4, 10, 14, 30, fragm. 39, 40 (Lion). Traditur etiam totum librum περὶ ποταμῶν scripsisse.

nam, si recte eam interpretati sumus, porro inde efficitur, Lucianum per totum annum omnino tacuisse: sicut senes, die, quo e fonte Sileni hauriebant, peracto, statim in annum proximum obmutescunt. Atque quia ille dies, quo senes loquaces fiunt, anniversarius erat apud Indos,<sup>1</sup> etiam Lucianum anniversario ac festo ni fallor die — nescio an auctoritate quadam evocatum — in publicum prodisse mihi persuasum est.

Nunc demum vidimus, omnia, quae de secunda peregrinatione Luciani alucinati sunt viri docti, pro nihilo existimanda esse. De duabus tantum recitationibus agitur, quarum posteriori, Verarum Historiarum librum II. continenti, Bacchus annexa erat praefatio: priorem, Ver. Hist. librum I. continentem, cum praefatione, quae Hercules vocatur, coniunctam fuisse veri simillimum est. Nam ne Hercules quidem caret indiciis, quibus quae exposui confirmantur. Neque enim quae sunt in c. 7: 'ἦντα περὶ τῆς δεῦρο παρόδου ταύτης ἐσκοπούμεν πρὸς ἑμᾶν, εἴ μοι καλῶς εἶχε ὑλησθε δεῦν καὶ πάλαι τῶν ἐπιδείξεων πελαγμένῳ' ... ex contextu orationis referenda sunt ad consilium Luciani nescio qua causa permoti denuo declamationum repetendarum, immo ita dicta sunt, ut de ea tantum recitatione publica, quam habiturus est, senex loqui videatur. Deinde ea, quae sub finem leguntur: 'καὶ διὰ τοῦτο ἐτόλμησα πάλαι γενεολογούμενον τὸ ἀκάτιον καιροσώσας καὶ ἐκ τῶν ἐνόντων ἐπισκευάσας αὐτῆς ἀγεῖναι ἐς μέσον τὸ πέλαγος' addidit scriptor, non quo de tota vivendi ratione commutanda atque de itineribus sophisticis redintegrandis cogitaverit, sed quod ad insequentem recitationem spectavit, vel potius Lucianea quadam subtilitate usus ad eam, quae describitur in Ver. Hist. I. I mirabilem peregrinationem maritimam seu transmarinam, praecipue ad ea, quae sunt in c. 5: 'ὁκλῶν πολὺν καὶ κλίθον παρεσσεύασάμεν ... καὶ

1) cf. c. 6: 'οἱ Ἰνδοὶ ἑπᾶς τοῦ ἔτους ἐορτάζοντες τῷ θεῷ ... πίνουσι τὸν πηγῶν.'

τὴν γὰρ — ἥλιος δὲ ἵν — ὡς πρὸς μέγαν καὶ βίαιον  
 πλοῦν ἐξαπνέον. Nec minus, quae gallicus ille philo-  
 sophus de Hercule sene dicit c. 6: 'καὶ τὰ γε βέλῃ αὐτοῦ οἱ  
 λόγοι εἰσὶν, οἶμα, ὀξεῖς καὶ εἴστοχοι καὶ ταχεῖς καὶ τὰς  
 ψυχὰς τιτρώσκοντες' de Luciano ipso atque de facetiis qui-  
 bus in Verar. Histor. libris scriptores romanenses perstrin-  
 guntur dici videntur.

Denique de auditoribus Luciani et de die quo recita-  
 tionem habuerit, addantur paucissima eaque incerta.

In prooemio Ver. Hist. I commemorantur 'οἱ περὶ τοὺς  
 λόγους ἐπιουδαῖοι' ita, ut suspicari possimus, librum  
 apud studiosos literarum recitatum esse a Luciano. Ac ne  
 quis credat, verba quae sunt in Herc. c. 7: 'ἐπεὶ ἔμμετοῦ  
 ψῆφον δίδου τοσοῦτοις δικασταῖς' referri non posse  
 ad studiosos. Qua de re non iam dubitabit, si cognoverit,  
 quae Philostr. in vitt. Soph. de potentia discipulorum cum  
 alibi tum I. II, 8 narrat: Philagrum sophistam Athenis  
 approbationem atque gloriam omnino non assecutum esse,  
 cum superbia animos discipulorum Herodis Attici a se aba-  
 lienasset.

Nescio an Lucianus die festo Bacchico recitaverit.  
 Aliter enim tot ioca, quae in 'Baccho' insunt, frigida essent  
 atque inania: cf. c. 1: 'ζωλῆει γὰρ οὐδὲν, οἶμα, καὶ μεθ' οὗ  
 ἔμιν διηγῆσασθαι Βαχχιδόν' — c. 5: 'ἀλλὰ τί πρὸς τὸν  
 Λιόνισον ὁ Λιόνισος οἶτος; εἴποι τις ἄν' (sic proverbium  
 tritissimum nova imbuunt elegantia) — c. 6: 'ἐθέλω καὶ ἄλλο  
 ἔμιν διηγῆσασθαι τι τῶν ἐκείθεν, οὐκ ἀπροσδιόνισον οὐδ'  
 αὐτὸ, οὐδ' ὅν ποιοῦμεν ἀλλότριον.'

## II.

### De hypomnematographo Alexandrino.

Lucianus senex munus publicum acceperit, quo se 'οὐ  
 τὸ σημανότατον τῆς Αἰγυπτίας ταύτης ἀρχῆς ἐγχειρίσθαι'  
 ipse confirmat. Eodemque deinde loco complura de functio-  
 nibus, quas subierat, narrat his verbis Apol. c. 12:

'τὰς δίκας εἰσάγειν καὶ τὰς αἰτίας τὴν προσήκονσαν  
 ἐπιτιθέσθαι καὶ τῶν πρακτομένων καὶ λεγομένων ἀνασταλάν-  
 των ἐποινήματα γράφειν καὶ τὰς τε δημοσίας τῶν δικαιο-  
 λογούντων ἡρθμίζειν καὶ τὰς τοῦ ἀρχοντος γνώσεις πρὸς τὸ  
 σαφέστατον ἔμα καὶ ἀκριβέστατον σὲν τίσσει τῇ μεγίστῃ  
 διαφελάσειν καὶ παραδιδόναι δημοσίᾳ πρὸς τὸν αἰὶ χρόνον  
 ἀποκεισόμενας...'

Mirum est, quod quamquam Lucianus, quale munus  
 fuerit, tam verbose explicat, tamen vv. dd. non consen-  
 serunt: sine controversia vero constat inter omnes, eum  
 iudiciario aliquo munere functum esse.

Iam H. Valesius<sup>1</sup> funditus repudiavit opinionem I. a  
 Costae, qui Lucianum assessorem sive consiliarium fuisse  
 arbitratus est. Minime dubitanter Valesius: 'sed pace', in-  
 quit, 'viri eruditissimi dictum sit, non assessorem, sed  
 hypomnematographum se fuisse his et sequentibus verbis  
 significat Lucianus. Sic enim dicebantur Alexandriae  
 actuarii seu memoriales, qui acta conficiebant.'

Ad Valesii arbitrium et nutum totum sese accommo-  
 davi Gothofredus in editione Cod. Theod. IV p. 524.

Postea Valesii verborum evanuisse videtur notitia, cum  
 neque Reitzius neque Wielandus neque Rudorffius neque  
 alius quisquam ante G. Dindorfium mentionem sententiae  
 Valesianae fecerit.

Reitzius enim omnino non de hypomnematographo  
 cogitat, sed de actuario vel graphiario tantum munere, quod  
 certo nomine ornare non audet.<sup>2</sup>

Wielandus Samosatensi publicas provinciae tabulas  
 commissas fuisse existimat.<sup>3</sup>

Rudorffius vero, tametsi Valesium, ut supra dixi, non  
 nominat, tamen sententiam eius prorsus sequitur.<sup>4</sup>

1) ad Amm. Marc. p. 353 ed. a. 1636.

2) ed. a. 1743 I p. LXV sequ.

3) Lukians Werke V p. 184.

4) in Mus. Rhenan. II (1828), p. 82.



Post eum omnes vv. dd.<sup>1</sup> Lucianum hypomnematographum fuisse persuasum habuerunt. Atque etiam Fritzsche, vir egregius, de hac re exquisita ita disseruit, ut ad Valesii opinionem prorsus accederet.<sup>2</sup>

Attamen omnibus quae attulit restitutor Luciani argumentis tantum abest ut credam, ut contra putaverim denuo ea, quae scriptores veteres tradunt, diligenter esse retractanda.

Quamobrem ut recte informare possimus magistratum de quo agitur, Strabonis locus quo praecipue de magistratibus Aegyptiis agit, ante omnia examinandus est.

Strabo igitur l. XVII p. 797 priore quidem loco romanos commemorat magistratus: 'ἐπαρχοι' primum, deinde 'δικαιοδότην, τὸν τῶν πολλῶν κρίσεων κρείον', tertium 'ἰδιόλογον, ἔξαισιν τῶν εἰς Καίσαρα πᾶντιν ὀφειλόντων.' Quorum administri nominantur: 'ἀτελεύθεροι Καίσαρος καὶ οἰκονόμοι.' Tum Strabo, postquam pauca de numero ac distributione militum per provinciam collocatorum dixit, pergit: 'τῶν δ' ἐπιχωρίων ἀρχόντων κατὰ πόλιν μὲν ὁ τε ἑξηκτὴς ἐστὶ ποσὶν ἀμεινόμενος καὶ ἔχων πατρίους τιμὰς καὶ ἐπιμέλειαν τῶν τῇ πόλει χρήσιμων, καὶ ὁ ἐπονηματογράφος καὶ ὁ ἀρχιδικαστής, τέταρτος δὲ ὁ νυκτερινὸς σιραιγός. ἦσαν μὲν οὖν καὶ ἐπὶ τῶν βασιλέων αὐτὰ αἱ ἀρχαί...'

1) Excepto Friedlaendero. Darstell. I p. 91, 2, qui munus quod vocatur 'a cognitionibus' verbis Lucianicis designari putat. Ut hoc probabile reddat, illud *Ἀγνωστίας τῆς ἀρχῆς* licenter corruptum putans, quaestionem ita obscuravit, ut de hac sententia nescio unde ex abdito eruta plura dicere nolim.

2) in edit. Luc. I, 2 p. 208 seqq. Identidem Lumbroso de Luciano hypomnematographo pauca, sed eadem fere quae antea Fritzsche, attulit, cf. in l. Recherches sur l'économie politique de l'Égypte p. 181, deinde in Rivista di filolog. 1876 p. 473 sequ., nuperrime (a. 1882) in l. l'Egitto al tempo dei Greci e dei Romani p. 73. Novum tamen est, quod Lumbroso (Riv. di filol. 1876 p. 474) fabulam romanensem, quae ap. Luc. in Toxar. c. 27 seqq. legitur, in tabulario hypomnematographi a Luciano inventam esse arbitratus est.

Ac primum quidem unusquisque videbit, romanos magistratus hic accuratissime distinguendos esse ab aegyptiis atque discernendos, neque vero ita, ut illos a Romanis institutos, hos acceptos esse e regum temporibus putemus, sed ut romani magistratus a Romanis, aegyptii ab Aegyptiis vel potius a civibus Alexandrinis gesti sint. Quod demonstratur ex eo, quod ἰδιόλογος, quamquam Ptolemaeis regnantibus iam existebat,<sup>1</sup> tamen inter romanos nominatur, quoniam a Romanis administrabatur.

Deinde iusto ordine Strabonem pro dignitate singulorum magistratus enumerare apparet. Nam et ἑξηκτὴν iam ornatum atque honore praeter ceteros florere, et νυκτερινὸν σιραιγόν haud superiore loco fuisse quam ἀρχιδικαστήν s. principem iudicii consentaneum est: itaque de hypomnematographo et principe iudicii eodem modo cogitandum esse Lumbroso recte confirmavit.<sup>2</sup> Valde autem miror, quod Rudorffius, quem eisdem fere verbis Marquardtius sequitur, etiamsi iustum a Strabone ordinem magistratuum constitutum esse diserte affirmat, tamen ipse ordine commutato iudicii principem ante hypomnematographum collocat. Quod nisi fecisset, certe omnes offendissent in iis quae de hypomnematographo addit: 'der ἐπονηματογράφος, der Gehülfe des ἀρχιδικαστής, Gerichtsschreiber. Ausführlich beschreibt dies Amt Lucian Apol. pr. merc. cond. c. 11. 12.'<sup>3</sup>

Neque enim quisquam ἐπονηματογράφον adiutorem ἀρχιδικαστοῦ fuisse atque graphiarium concedet, si Strabonis, qui cum secundo loco nominat, ordinem conservaverit. Sed etiamsi ordinem magistratuum parum diligenter a Strabone constitutum esse credamus, quomodo fieri potuit, ut tale quale Rudorffius hypomnematographi fuisse voluit munus

1) cf. Marquardt, Staatsverwaltung I. Aufl. II p. 299.

2) Rivista di filol. l. c.

3) in Mus. Rhen. II p. 82 an. 9, cf. Marquardt, Staatsverwaltung I. Aufl. I p. 297. In altera editione (1881) Marquardtius haec omisit, attulit tamen Luciani locum Apol. 12. Fritzscheum ne hoc quidem loco nominavit.

in 'ἀρχῶν' numero poneretur? Nonne inferior est graphiarius iudicialis quam ut eum inter principales quattuor tantae urbis nominari existimemus? Deinde vero quomodo Lucianus se 'γνώσεις τοῦ ἀρχοντος' summa fide conservare dicere potuit, si ipse in 'ἀρχόντων' numero fuisset?

Itaque vox quae est apud Lucianum: 'ἀρχῶν', non ad 'ἀρχιδικαστήν', sed ad alium quendam iudicarium summae auctoritatis magistratum referenda est, neque video ullum nisi aut ἑταρχῶν s. procuratorem provinciae aut δικαιοδότην s. iuridicum Alexandriae, quorum hic urbi, ille per provinciam ius dicebat.<sup>1</sup> Hypomnematographus vero magistratus urbanus romano non adiunctus erat, quia Strabo, eis diligenter secretis, addit, cum romanis 'οἰκονόμους καὶ ἀπελευθέρους Καίσαρος' coniunctos fuisse. Ergo Lucianus non erat hypomnematographus.

Accedunt alia. Lucianus pergit l. c. c. 12: 'καὶ ὁ μισθὸς οὐκ ἰδιωτικὸς ἀλλὰ παρὰ τοῦ βασιλέως, οὐ σμαρτὸς οὐδὲ οὔτις ἀλλὰ πολιτάλειος . . .'

Sive Lucianus per iocum, ut solet, de salario suo superbius quam verius gloriatur, sive de aegyptio talento aeris<sup>2</sup> — utique sale quodam asperso orationi — cogitandum est, accepit certo qualiscunque fuit mercedem: neque enim aliter apologiam pro mercede conductis scribere oportebat. Atqui illis Alexandrinis magistratibus salarium praebitum fuisse haud veri simile est, cum cuncta rerum civilium gerendarum ratio per omnia antiquitatis tempora ac loca tali opinioni obstet: nullo praemio addito semper et in Graecorum et in Romanorum civitatibus honores civiles administrati sunt.

Quae quo probabilior fiat ratio, pauca addantur de ipsis Aegypti magistratibus. Haec provincia cuius ex administratione Alexandria urbs exempta erat, in 'νόμους' erat divisa, quibus στρατηγοί s. νόμαρχοι praeerant. Στρατηγῶν autem

1) cf. Ritter in edit. cod. Theod. V in praefatione.

2) hoc talentum multo minoris pretii erat, cf. Droysen in Mus. Rheu III. p. 519.

munus sine mercede administratum esse scimus, cum in numero χωρικῶν λειτουργῶν esset, a quibus suscipiendis cives Alexandriae liberati erant.<sup>1</sup> Loco στρατηγῶν in urbe quattuor illi magistratus constituti erant:<sup>2</sup> itaque cives Alexandrinos, χωρικῶν absolutos, his πολιτικαῖς ut ita dicam λειτουργίαις usos esse quis est quin videat?

Sed si quis his rationibus neglectis tamen de mercede illorum magistratuum cogitaverit, mercedem a civitate datam esse Alexandrina, non ab imperatore romano concedet: Lucianus vero 'παρὰ τοῦ βασιλέως' salarium accepit. Procul dubio igitur et hypomnematographus et ceteri illi magistratus cives Alexandrini fuerunt.

Denique illud quoque commemorare volo, quod Samosatensis l. c. c. 12: 'οὐ φαῦλαι ἐλπίδες', inquit, 'εἰ τὰ εἰκόνα γίγνοιτο, ἀλλ' ἔθνος ἐπιτραπῆναι ἢ τινας ἄλλας πράξεις βασιλικὰς.' Etiam si talia senem extremae aetatis serio sperasse vix probabile sit, tamen plane inepta fuissent atque absurda, si evenire omnino non potuissent. Sed si hypomnematographus fuisset Lucianus, procurator (ἔθνος ἐπιτραπῆναι) eligi non potuit, sed ἐξηγητής Alexandrinus, neque ideo 'βασιλικὰς', sed 'πολιτικὰς' πράξεις adeptus esset. Ex codice enim Theod. lib. XII. tit. I., l. 189 cognoscitur, primum curiae, quem ad ἐξηγητήν respondere Gothofredus p. 523 demonstrat, 'muneribus universis expletis ad summum gradum pervenisse': itaque eum antea hypomnematographum fuisse necesse est.

Obstare vero videtur locus Philonis, quo potissimum — ni fallor — Fritzschius commotus est, ut Lucianum pro hypomnematographo habeat. Dicuntur enim adv. Flacc. II. p. 984 de Lampone, accusatore Flacci, haec: 'παρεστὼς γὰρ τοῖς ἡγεμόσιν ὅποτε δικάζονται, ἐπεμνηματίζετο τὰς δίκας εἰσάγων, ὥς ἔχων τάξιν . . .' Omnia quae hic commemoran-

1) v. edict. Tib. Alex. ed. Rudorff in Mus. Rheu, II lin. 34. 35: καὶ τὸς δὲ γενέσων, ὥστε μηδὲνα τῶν ἐγγενῶν Ἀλεξανδρῶν εἰς λειτουργίας χωρικὰς ἀγασθαι. Cf. Rudorff l. c. p. 142 an. 44 et Marquard, Staatsverw. I. p. 291.

2) Kuhn, Städt. etc. Verfassung II, 479.

tur cum Luciani officiis optime congruunt: *ἐπισημαίνετο* = *ἐπισημαίνετα γράφεσθαι*, *τὰς δίκας εἰσάγων* = *τὰς δίκας εἰσάγειν*, atque etiam quae sunt: *παρεσιὼς τοῖς ἡγεμόσιν* ad Samosatensis munus, quod c. 9. *σεντοσία* vocatur, bene quadrant. Postremis vero verbis *ὥς ἔχον τὰξιν* mendum inest aliquod. Fritschius, qui nonnullos codd. Mangei, post v. *τὰξιν* inculeantes *τοῖάνδε* sequitur, explicat: 'quippe qui tale munus obiret, i. e. quippe qui esset hypomnematographus.' Sed hoc nequaquam idem est, nam qui hypomnemata scripsit iudiciaria, nondum hypomnematographus Alexandrinus putandus est. Propter hanc ipsam autem verborum Philonis et Luciani similitudinem Fritschii lectio *ὥς ἔχον τὰξιν τοῖάνδε* mihi quidem minime placet. Nam cum alia omnia quasi dimensa et paria congruant, his quoque verbis *ὥς ἔχον τὰξιν* respondeant oportet similia quaedam ex Lucianis. Quenam haec sint, ex voce, q. e. *τάξις* cognoscitur: neque igitur dubito, quin ea sint ita emendanda, ut ad Lucianum illud: *καὶ τὰξιν αὐταῖς τὴν προσήκουσαν ἐπιτιθέμεναι* quam proxime accedant. Itaque malim Mangei coniecturam probare: *ὥς ἔχον τὰξιν*.

Quae cum ita sint, nihil est, cur Lampon hypomnematographus existimandus sit. Immo ex eo quod Philone non ita honorifice tractatur intellegi iam debet, eum in eorum numero putandum esse, quos romani magistratus sibi ipsi assumebant officiales et comites. Itaque quamquam fortasse Aegyptius erat, ignobili loco natus, a praefecto, quippe quem *δυνάστην, ἐξεργέτην, συνήγα* appellasset (p. 983), ad munus illud quaestuosum elatus esse videtur. Quo factum est, ut neque apud Philonem neque apud Lucianum certum muneris nomen allatum sit, quod, si de hypomnematographo ageretur, mirum esset. Tituli enim atque officia assessorum comitumque Luciani temporibus nondum lege satis destinata erant.<sup>1</sup> Neque vero impedimur Strabonis verbis: *οἰκονόμοι καὶ ἀρετῆς ἡγεῖται*

1) cf. Bethmann-Hollweg, Civilprocess II, p. 137. Madvig, Verfassung etc. des röm. Reichs II, p. 110.

*Καίσαρος* quominus tale munus et a Lampon et a Luciano administratum esse putemus. Nam sequioribus imperatorum temporibus omnia fere quae olim ordine atque dignitate civium definita erant munera, confusa esse atque conturbata satis constat.<sup>1</sup>

Fritschius magistratum a Luciano verbis *τὰς τοῦ ἄρχοντος γνώσεις* tacito nomine allatum *δικαιοδότην* fuisse putat. Sed ne hoc quidem mihi veri simile videtur. Nam primum v. *ἄρχων* aut de magistratibus municipalibus aut de praefectis provinciae usurpatur; si autem iuridicum Alexandriae significare voluisset, non dubito, quin *τοῦ τῆς πόλεως ἄρχοντος* dicturus fuerit. Deinde verba quae sunt in Apol. c. 12: *τῆς μεγίστης ἀρχῆς κοινονομεῖν καὶ τὸ μέρος συνδιακράτουμεν* melius de eo intelleguntur, qui praefecto per totam provinciam ius dicenti adstiterit, quam ei, qui unam provinciae urbem moderabatur.

Itaque Lucianum praefecti comitem fuisse et commentariensis et scriniarii et amici locum tenuisse mihi persuasissimum est. Omnia si ita interpretamur, ad Luciani verba optime conveniunt. Comites enim, qui saepe amici erant praefectorum, publicum salarium acceperunt,<sup>2</sup> et — ceterum fluctuantibus officiis — praecipue in iure dicendo versati sunt.<sup>3</sup> Commentariensem vero tenuissimo loco fuisse, quod Fritschius l. c. contendit, tam generaliter dici non potest: semper respiciendum, cuinam magistratui commentariensis adiunctus fuerit. Nam, quod proxime accedit ad Luciani verba *ἔθνος ἐπιτακταί*, comperimus, e commentariensium praefecti praetorio numero procuratores esse delectos.<sup>4</sup> Cum commentariensis

1) cf. Friedländer, Darstell. I. p. 55 seqq.

2) Bethmann-Hollweg l. c. II. p. 138 an. 15: 'die gesetzlich bestimmte Zahl (der comites), durch welche Privatbegleiter, Freunde etc. nicht ausgeschlossen sind, steht im öffentlichen Dienst und empfängt Staatsbesoldung.' Cf. Mommsen, Staatsrecht I p. 246.

3) Mommsen, Staatsrecht I p. 223. Madvig I p. 589.

4) Cauer in Ephem. epigr. IV p. 425: 'apparet, munus quod dicitur a commentariis praefectorum praetorio summae dignitatis fuisse, quoniam ex eo procuratores facti sunt.'

munere coniunctum fuisse scriniarii nemo mirabitur.<sup>1</sup> Nemo denique dubitare potest, quin Aegypti praefectus, qui officiorum paene oppressus esse saepius traditur,<sup>2</sup> comitibus stipatus fuerit.

Ac de Luciano quidem hactenus: videamus nunc, quare commoti vv. dd. Samosatensis verborum interpretes de hypomnematographo cogitaverint. Neque aliud quidquam reperire posse puto, nisi verba: 'ὑπομνήματα γράσσειν': quae sonitu illa quidem certe simillima num re congruant cum Alexandrino magistratu, cum de verbis magis quam de re laborarent, parum seiscitati sunt. Nam cum v. ὑπομνήματα omnia fere ad memoriam confecta literisque ex tempore consignata significet, diligentius explorandum est, num hypomnematographi Alexandrini munus iudicialia talia ὑπομνήματα, qualia in apologia Luciani commemorantur, amplexum sit.

Deinde incautius erat, unum tantum illud: 'ὑπομνήματα γράσσειν' respicere ex verbis Samosatensis, quippe qui quinque officia afferat: 1. δίκας εἰσάγειν, 2. τάξιν αὐταῖς ἐπιτελεῖν, 3. ὑπομνήματα γράσσειν, 4. ἡγορεύειν ἐν δμῶν, 5. γνώσεις διαφυλάττειν. Eodem enim iure dicere possum, ad id, quod quinto loco posuit, spectans, cum συγγραφογράφα fuisse, magistratum quendam aegyptium inferiorem,<sup>3</sup> ad ea autem, quae sunt: ἔθνος ἐπιτελεῖν, eum illud munus Aegyptium, cuius nomen ἐθναρχίας traditur,<sup>4</sup> appetivisse: qua tamen de re nemo cogitabit. Apparet profecto, hypomnematographum Alexandrinum ὑπομνήματα γράσσειν: incertissimum est, num cetera quoque officia quae a Luciano exponuntur, expleverit: omnium autem verborum pondera examinanda sunt.

1) Summi magistratus, praefecti praetorio, et scrinium et magister scrinii iam saec. III commemorantur, cf. Madvig I p. 583.

2) c. c. cf. Philonem adv. Flacc. p. 536.

3) Kuhn II p. 494.

4) Strabo XVII p. 798.

Vellem plura aliunde sumpta huius magistratus cognitionem suppeditarent: perpauca vero indagari possunt. Occurrunt autem in cod. Theod. lib. XII. tit. I l. 192,<sup>1</sup> quae quæstionem afferunt quidnam sit illud, quo Luciani munus differat ab hypomnematographi, haec: 'si quos spontaneos hypomnematographi munificos suis exhortationibus ad publicas nominaverint functiones, Augustalis iubemus non expectandum esse consensum.' Quem ad locum optime Gothofredus annotavit p. 524: 'Quodnam munus eius (scil. hypomnematographi) fuerit, partim ex hac lege, partim ex nominis indicio in partem cognoscere licet: nempe eum nominationes ad liturgias seu munera publica civilia et curialia fecisse, munera distribuisse et commentarios harum rerum fecisse.' Certissime, sed laudem ei error compensavit, cum, postquam nonnullos locos adscripsit, quibus haudquam ad hypomnematographum Alexandrinum pertinentibus latinum 'commentariensem' graece 'ὑπομνηματογράφον' conversum esse demonstrat, pergeret: 'Sed quid moramur? Lucianus in Apologia id munus graphice describit.' Tanto pere igitur Valesii annotatio iudicium Gothofredi turbavit, ut non contulerit pugnantia nec comparaverit contraria inter illos hypomnematographorum commentarios et Luciani, cui de litibus iudicialiis loquenti 'commentarii factorum dictorumque omnium' (scil. de litigantium testiumque actionibus) in animo erant. Praeter ea autem officia, quae enumerantur, ei alia fuisse plura explenda, nemo potest cogitare, cum vel maxime Luciani intersit ostendere, se re vera 'ἐν μισθίοις τῆς ἀσχολίας' versari.

Prorsus autem non intellego, quomodo ei, qui papyros<sup>2</sup> a Peyronio in Act. Acad. Taurinens. an. 1841 editos nove-

1) eadem reperiuntur in cod. Iust. X, 31. 59.

2) de papyri Berolinensis frustulo a Partheio in nov. memor. institut. archeol. a 1865 p. 449 publici iuris facto disserere non audeo. Verba sunt haec:

ὑπομνηματογράφον τὴν λοιπογορ |||||  
ἔχω τόδε καθ' ἐν αὐτῶν ἀποδογ |||||



runt, qui de Apollonio tirone aliquo adscribendo militum numero agunt, etiamtum de commentariis iudicialiis cogitare potuerint. In papyro II. enim Apollonio, postquam a Ptolemaeo Philometore rege impetravit, ut reciperetur 'εἰς τὴν Δεξιλόου σιμαδὸν τεταγμένον ἐν Μέμφει' (lin. 41), placuit, omnes literis consignare magistratus, ad quos sibi adeundum fuisset, antequam locum petatum nancisceretur. Appellatur igitur magistratus hi: ἀρχιδικασταὶ, ἀρχιδικασταὶ καὶ γραμματεῖς τῶν δυνάμεων, στρατηγὸς, ἀρχιπυρρῆς, διοικητής, ἐπιμελής, γραμματεῖς. In horum numero, in quo ne unus quidem est iudicialis magistratus, cum de causa iudicialia omnino non agatur, sub finem papyri leguntur haec: καὶ ἐπομνηματίζοντες τὸ προσταγμὰ Πτολεμαίου τοῦ ἐπομνηματογράφου. Dubium autem fere esse non potest, cum Apollonium neque in arte scribendi neque in rebus grammaticis satis firmum fuisse eluceat, quin legendum sit: Πτολεμαίου τῷ ἐπομνηματογράφῳ.<sup>1</sup>

Franzius in CIG vol. III ad hunc locum recte annotat:

<sup>1</sup>In extremis prorsus caecutimus. Decretum quidem translatum videmus ad Ptolemaeum τὸν ἐπομνηματογράφον. Certe ex eo loco munus hypomnematographi constituere non audebimus, cum ne ordinem quidem iustum singularum epistularum, quem Apollonius rudis homo turbavit,<sup>2</sup> restituere possimus. Tamen ex hoc loco efficitur: primum, hypomnematographi munus non iudicarium fuisse, deinde, hypomnematographum non tam arte cum aula regia coniunctum fuisse, quam Lumbroso (Recherches p. 182) putat, qui eum fuisse certo scit 'le chef des audiences, secrétaire

Etsi linea prior sic completur:

ἐπομνηματογράφου τὴν λοιπογραφίαν

tamen disputationi nostrae nihil prodest.

1) cf. Peyron. annot. p. 47: 'La grammatica, la sintassi, l'ortografia sono sciaurate, talora mancano i nominativi e talora i verbi' etc.

2) Peyron. l. c. p. 37: 'Oltrecchè la serie non ne è compiuta, e neppur diposta per ordine cronologico, la data di alcune manca e di altre è falsa, cosicchè per ristabilirne l'ordine bisognerebbe entrare in uno spinaio di conghietture, mentre il risultato non francherebbe la perdita il tempo ed il pericolo troppo facile di errare.'

pour les procès-verbaux, chargé de la conservation et notification des actes royaux, gardien de l'ordre dans les débats.' Sed nemini hunc magistratum obscuriorem fuisse quam Lumbroso cognoscimus, si alium locum eiusdem libri comparamus, ubi scripsit p. 345: 'l'administration soit des recettes soit des dépenses se divise entre un nombre, probablement assez grand, de grammates, d'hypérètes, d'epimélètes, d'hypomnematographes, d'antigraphes speciaux.'

Nec vero mirum est, quod de scriba, qui hypomnematographus appellatur, parum novimus, cum ne eorum quidem scribarum, qui saepius in papyris et inscriptionibus occurrunt, c. c. γραμματεῖς βασιλικοί, κομογραμματεῖς, τοιογραμματεῖς, χορογραμματεῖς, munera satis possint perspicere.<sup>2</sup>

Tamen pronum erit colligere, si comparaverimus illum ex cod. Theod. assumptum locum, iam regum temporibus hypomnematographos 'nominationes ad liturgias' et 'commentarios harum rerum' fecisse. Itaque nomen Apollonii a Ptolemaeo hypomnematographo aut in commentarios inscriptum aut ex eis deletum est, quod a liturgiis Apollonius liberandus erat. Nam in alio papyro postea scripto, frater Apollonii queritur, eum in liturgias iniuste abstractum esse: cf. Lumbroso Rech. p. 203 in pap. lin. 7: 'ὁ προγεγραμμένος Ἀργείος (Lumbroso: ἀρχιπυρρῆς) ἀλοσπᾶ αὐτὸν ἀπ' ἐμοῦ εἰς τοὺς λειτουργίας κτλ.'

At dixerit forsitan quispiam: quid hypomnematographo, quippe qui a Strabone magistratus nominetur Alexandrinus, cum Apollonio Heracleopolitano? Concedo ea, quae de hoc munere comperta habemus, cum in ceteris papyris omnibus, qui usque ad hunc diem publici iuris facti sunt, nihil de hypomnematographo tradatur, non sufficere, ut hanc difficultatem solvamus: iuvabit tamen hoc loco meminisse, in

1) Hoc iudicio stetit Lumbroso etiam in l. l'Egitto al tempo dei Greci e dei Romani 1882 p. 73: 'l'ipomnematografo introduttore delle cause presso il Prefetto e così, senza dubbio, presso il Re.'

2) cf. Wessely, Prolegomena ad nov. edit. papyr. Graec. cur. Dissert. Vindobon. 1883 p. 12.

cod. Theod. non unum sed plures hypomnematographos commemorari. Nihil igitur obstat, quominus et Alexandria et in aliis provinciae partibus hypomnematographos extitisse credamus.

### III.

#### Quaenam ratio intercesserit inter Lucianum et Romanos exponitur.

Pro laps. c. 13 Lucianus: *‘ἀλλὰ καὶ ὑμεῖς αὐτοὶ’*, inquit, *‘εἴ τι καὶ τῆς Ῥωμαίων γωνίης ἐπαίω, τοὺς προσερχομένους ἀντιδεξιούμενοι τῇ τῆς ἐγείας δόμῳ πολλὰς ἀμειβεσθε.’*

Quorum de vi ac sententia vv. dd. inter se valde discreparunt. Nam cum alii<sup>1</sup> Lucianum linguae romanae inscientiam his verbis confiteri arbitrati sint, alii,<sup>2</sup> num quid ex eis concludi possit de eius eruditione, dubitaverint, A. Schwarzus<sup>3</sup> contra ita ea interpretatur, ut Samosatensem dilucide declarare existimet, se linguae romanae compotem esse. Etiam eis verbis, quae paulo ante in eodem capite leguntur, Schwarzus opinionem suam celerius constitutam fulcire studet: *‘τί δ’; οὐχὶ καὶ ἐν τῇ τῶν ἐντολῶν βιβλίῳ, ὃ αὐτὸ παρὰ βασιλέως λαμβάνετε, τοῦτο πρότερον ἑμὶν ἐστὶ παρ’ ἀγγέλῳ, τῆς ἐγείας τῆς ἐμετέρας αὐτῶν ἐπιμελεῖσθαι;’*

Sed iam Moses Solanus: ‘quaenam ea formula fuerit’, inquit, ‘quam hic tangit, nescio’, suspicatur tamen, respicere Lucianum ad formulam quae sit: ‘si vales, bene est.’

Schwarzus autem suo iure contendere mihi videtur, cum constans quaedam formula Luciani in animo sit, de hac ‘si vales bene est’ cogitari non posse. Statuit igitur, illis verbis significari epistularum inscriptionem, quae est

1) Planck, quaestt. Luc. p. 17. Th. Fritzsche, Menipp und Horaz p. 30. Wasmannsdorf, Luciani scripta ea quae ad Menippum spectant p. 13.

2) Bernhardt, lit. gr. I p. 581 (IV ed.).

3) Wiener Studien II p. 146 seqq.

‘salutem dicit’, et salutationem inter se occurrentium ‘tibi salutem’. Tamen ipse statim confiteri coactus est, vocem ‘valetudinis’ melius respondere ad graecum *‘ἐγεία’* quam ‘salutis’. Itaque etiamsi quae Schwarzus de salutationibus illis disseruit recta iudicemus, de Luciano lingua latina bene erudito adhuc dubitemus oportet: certe enim male convertit vocem latinam.

Sed Schwarzii sententia mihi quidem nondum approbata est. Quomoda enim illo ‘salutem dicit’, in quo nihil nisi optatio inest, *‘παράγγελμα’* illud continetur?<sup>1</sup> Quocum optime congruit illa quam Wielandus<sup>2</sup> affert formula: ‘valetudinem tuam cura diligenter.’ Cogitandum erit, ni fallor, potius de hac: ‘cura ut vales’, quae saepe in fine epistularum usurpatur. Hoc modo illud *‘ἐπιμελεῖσθαι’* vel proxime ad latinum ‘curare’ accedit. Atque quanquam Lucianum hoc modo finem epistularum cum iis quae in initio dicta solent, turpiter commutavisse necesse est, tamen hunc lapsum — qui profecto major esset, quam pro quo illam defensionem scripsit — ab eo commissum esse prorsus incredibile non est. Sed cum ne haec quidem in epistulis constans formula sit, nihil nos scire certi fatendum est de forma salutandi, ad quam Luciani verba spectant.<sup>3</sup> Atque haec omnibus fere vv. dd. insita opinio, de epistularum formula quadam cogitari necesse esse, omnino est evellenda:

1) Schwarzus, qui pro *τῆς ἐμετέρας αὐτῶν* coniecit *αὐτῶν*, optationis (‘salutem dicit’) et cohortationis (*‘παράγγελμα’*) repugnantiam non sustulit, sententiam vero plane turbavit, cum voci *q. e. παράγγελμα* attribuerit vim, quam non habet.

2) Lucians Werke V p. 241.

3) Nisi forte eam quam paene ridiculam nunc expositurus sum rationem accipere vis: Apologiam pro lapsu inter salutandum sub Commodio imperatore scriptam esse veri simillimum est. Commodus autem narratur tardissimus fuisse ad scribendum, ita, ut in plurimis epistulis ‘Vale’ tantum scriberet: cf. Aelium Lampridium in vit. Com. c. 13. Itaque, si imperator mandatorum libellis, quos in provincias emisit, tales literulas adiunxit, optimam habemus verborum, de quibus agimus, explicationem.

neque enim compertum habemus, num in libro mandatorum, quem parum novimus, eadem atque in epistulis formulae fuerint.<sup>1</sup>

Itaque cum ex hoc loco nihil prorsus efficiatur, quo melius enucleare possimus, quatenus Lucianus res Romanorum cognitas habuerit quaeque omnino de iis cogitaverit, aliunde nobis ex scriptis eius quasi auxilia arcessenda sunt. Schwarzius quoque, quoniam ex loco, quem tractavimus, demonstrasse sibi videtur, Lucianum linguae latinae peritissimum fuisse, alia multa affert, quae eidem rei argumento fore arbitratur.

Atque primum quidem, quod dicit, Lucianum, cum senex magistratum romanum administraret, literas latinas scivisse, pro nihilo habendum est.<sup>2</sup> Nam cum in omnibus orientis provinciis imperator magistratusque graeco sermone publice utebantur,<sup>3</sup> tum in Aegypto semper eadem lingua, a Ptolemaeis regibus usu publico iam recepta, a magistratibus romanis, quod praefectorum edictis, quae supersunt, dilucide demonstratur, usurpata est. Quid? ab ipso Luciano quippe qui virum romanum nobilissimum graeca non latina illa salutatione *ἑγεία* allocutus sit, nonne demonstratur, etiam in privata inter se consuetudine magistratus romanos graeco sermone usos esse? Neque ideo quatenus linguam latinam sciverit Lucianus, hac re percipi ullo modo potest, quanquam eum verba aliqua latina scivisse et consentaneum

1) Solus Th. Marcilius (ed. Bip. III, 595) de hoc libello plura scivisse videtur.

2) Bernhardt in lit. gr. I p. 581 optime: 'Ein Mann wie Lucian', inquit, 'hat in seinem römischen Amte des Lateins nicht bedurft.'

3) Quanta in calamitate romani fuerint praefecti, cum in graecis provinciis versantes graecam linguam non didicissent, cognoscitur ex Philostrati vit. Apoll. V, 34, 4, ubi Apollonius festive narrat: *κατὰ τοὺς χρόνους, οὓς ἐν Πελοποννήσῳ διηγιώμην, ἤγειτο τῆς Ἑλλάδος ἄνθρωπος οὐκ εἰδὼς τὰ Ἑλλήνων, καὶ οὐδ' οἱ Ἕλληρές τι ἐκείνου ξυνέειπεν. ἔσκηλεν οὖν καὶ ἐσκέλη τὰ πλείστα· οἱ γὰρ ξένηδοί τε καὶ κοινωνοὶ τῆς ἐν τοῖς δικαστηρίοις γνῶμης ἐκαπήλευον τὰς δίκας διαλαβόντες τὸν ἡγεμόνα ὥσπερ ἀνδράποδον.'*

est neque equidem nego. Itaque cum in l. d. hist. conser. c. 21. graeca nomina a latinis distinguere potuisse nemo credo admirabitur.

Deinde Schwarzius, ut sententiam suam aliqua specie illuminet, pergit: 'Lucian, der viele Jahre in Italien und Gallien verlebt, der die römischen Sitten und Gebräuche im Nigrinus mit dem treffenden Pinsel eines eindringenden Beobachters gemalt, der in Rom mit einflussreichen Staatsmännern (z. B. Rutillian im Alexander) verkehrt hat...' De his omnibus quid censendum sit, paulo diligentius disseram.

Atque primum quidem de Gallia tam pauca inveniuntur in Luciani scriptis, ut per plures annos eum ibi versatum esse nullo modo constet. Legimus enim in Bis Acc. c. 27 verba Rhetorices haec: *καὶ τὰ μὲν ἐπὶ τῆς Ἑλλάδος καὶ τῆς Ἰωνίας μέγιστα, ἐς δὲ τὴν Ἰόνιον συνδιέλθοντα καὶ τὰ τελευτήσια μέχρι τῆς κελυγῆς συναϊάσασα ἐπινοήσασα.* et in Apol. c. 15 Lucianus: *ὅν πρὸ πολλοῦ ἴδεις ἐπὶ ῥητορικῇ δημοσίᾳ μεγίστης μυσθοφορὰς ἐνεργάμενον, τότε κατὰ θεῶν τοῦ ἑσπερίου Ὀλλεανοῦ καὶ τὴν κελυγὴν ἔμει ἐπὶ τῶν ἐνέτιχες ἡμῶν τοῖς μεγαλομήθοις τῶν σοφιστῶν ἐναρτιθρονημένοις.* Haec omnia de peregrinatione Luciani narrantur. Iter in Eridano flumine factum in Electr. c. 2 et 4 describitur. Quibus minime quae in lepidissima narratione *Ἡρακλῆς* inscripta commemorantur, repugnant. In itinere enim versanti Luciano contigit, ut *ῥιλόσοφος τῶν ἐπιχωρίων*<sup>1</sup> — graece nostrum, non latine allocutus — imaginem Herculis gallici illustraret. Haec omnia quae de Gallia referuntur, habemus: nusquam igitur uno diutius loco versatus esse Samosatensis traditur, nedum habeamus, quod cum Planckio de longinqua Lugduni habitatione cogitemus.<sup>2</sup>

1) ex Sommerbrodtii coniectura, cf. Lucianea p. 157 et p. 89 seq. pro codd. lect. *τὰ ἐπιχώρια*.

2) cf. Quaest. Luc. p. 7: 'Lugduni per decem fere annos fuisse suspicor Lucianum, qua in urbe ut ex Irenaeo et Eusebio colligi potest, florebat tum artium liberalium studia.' Sed hoc ex verbis, quae

Iam videamus de Italia. Ubi Lucianum fuisse quamquam duobus tantum locis aperte dicit,<sup>1</sup> tamen ex compluribus libellis colligitur. In Italia enim miseros quosdam mercede conductos vidit<sup>2</sup>: sed omnia, quae de rebus Romanorum in libello, ad quem specto, narrat, non se ipsum expertum esse, sed ab illis Graeculis comperisse affirmat.<sup>3</sup>

At Schwarzio non iste libellus in animo erat, cum a Luciano mores consuetudinesque Romanorum acutissime depictos esse diceret, sed Nigrinus.<sup>4</sup> Quid? In Nigrino vero Lucianus nonne pluribus quam in l. de merc. cond. confirmavit, non semet ipsum de moribus romanis disserturum esse, sed Nigrinum philosophum, a quo paulo ante haec omnia audivisset? Se ipsum non poetam tragoediae habendum esse, sed histrionem tantum, qui quantum memoria valeret, ostendere vellet.<sup>5</sup> Sed nescio an Schwarzius Nigrini ob eam causam mentionem fecerit, quod ex eo Lucianum diutius prope Romam urbem vixisse demonstrari videatur. Compluribus enim locis collatis<sup>6</sup> videmus, urbem

sunt: *ἐπὶ ῥητορικῇ δημοσίᾳ* minime concludi licet. Immo adiectivum *δημόσιος* de artificibus peregrinantibus usurpatur in Harmon. c. 3: *δημόσιόν τι ἐπιδεικνύμενοι*. Non ignoro, Planckio aliisque cordi esse, ut circiter duo lustra vitae Luciani certo domicilio tribuantur: qua tamen in re melius foret, Suidam quamvis parum criticum respicere quam prorsus incerta atque inania coniectare.

1) Bis Accusati, quem supra exscripsi et Herod. c. 5: *ἔστιν ἡ εἰκὼν ἐν Ἰταλίᾳ, καὶ γὰρ εἶδον*.

2) de merc. cond. c. 1: *πολλοὶ τῶν ἐς τὸν τοιοῦτον βίον τοῦτον ἐμπεπωκότων ἐξηγόρευον πρὸς με, οἱ μὲν ἔτι ἐν τῇ κακῇ ὄντες, ἀποδεδρομένοι ὅποια καὶ ὅποια ἔπασχον, οἱ δὲ ὥσπερ ἐκ δεσποτηρίου τινὸς ἀποδράντες οὐκ ἀήδως μνημονεύοντες ὧν ἐπεπόνθεισαν*.

3) cf. c. 1: *οὐκ αὐτὸς μὲν Ἄλλὰ τοῦ τοιοῦτου πειραθεῖς*.

4) Attamen Fritschius in edit. Luc. III, 2 p. LXXIX rectissime de similitudine et argumenti et tractationis Nigrini et libelli de merc. cond. verba fecit.

5) cf. c. 9.

6) cf. c. 1: *ὥς σεμνὸς ἡμῖν σφόδρα καὶ μετέωρος ἐπανελήλυθας*, c. 2: *ἐστὶ μὲν ἐν τῇ πόλει βουλούμενος ἰατρὸν ὁφθαλμῶν θεράσασθαι τινα: τὸ γὰρ μοι πάθος τὸ ἐν τῇ ὁφθαλμῷ ἐπετείνετο*. quibuscum cf. quae in fine sunt: *ἐπὶ τὸν τρώσαντι ἐλθόντας ἰᾶσθαι παρακαλεῖν*.

quae quin Roma fuerit non dubium est, proxime afuisse a loco, quo Lucianus se ipse cum amico facit colloquentem. Cur vero ruri Lucianus vixerit, quae ratio vivendi a consuetudine sophistarum mercedis causa in itineribus versantium alienissima fuit, nescio: nisi affectu oculorum commotus est. Sed ne minimum quidem usum Luciano fuisse cum quopiam Romano e Nigrino cognoscitur: cum et Nigrinus, qui talia de Roma narret, et amicus, qui maledictis eius summo gaudio afficiatur, Romanorum osos sese ostendant acerrimos. Deinde vero, si modo nihil eorum, quae ex hoc dialogo concludi possunt, omittendum videtur, non intellego, qua de causa Nigrinus omnia et in viis et in domibus Romanorum cotidie facta Luciano exposuerit, si hic res romanas aliquantulum et ipse iam cognitas habuit. Quamquam quid loquor? ficta esse in hoc dialogo omnia, quibus loca et tempora et homines describuntur, ab auctore, Atheniensium voluntatem intuite, ne in se ipse odium maledici hominis contraheret, quis est, quin videat?<sup>1</sup> Sed ut Lucianum res romanas ita, ut in Nigrino eas depinxit, ipsum compertas habuisse credere velim, tamen nequaquam hinc efficitur, eum in vitae romanae funditus pernoscendae studio bene versatum esse. Quicumque enim dialogum de quo agimus considerate perlegit, non dubito, quin narrata omnia admodum leviter perstricta atque fervidiore animo quam pro veritate in laudem Athenarum conversa esse concedat. Itaque non tam 'observatorem subtilem' in Nigrino equidem video quam cavillatorem obtrectatoremque ingeniosum, qui singula, quae de depravata vivendi ratione Romanorum in omnium memoria exstiterunt atque ora, quasi ubique decerpta collegit atque Athenis contra in caelum elatis illustravit.

Quid dicam de argumento quod Schwarzius deinceps attulit verbis: 'der in Rom mit einflussreichen Staatsmännern (z. B. Rutillianus im Alexander) verkehrt hat'?

1) Croisetus tamen omnia quae in Nigrino narrantur vera facta esse putat, cf. Mém. de l'Acad. de Montpellier t. VI (1878) et in l. Essai sur Lucien p. 9 seqq.



Primum dicendum est, neque a Schwarzio neque ab alio e scriptis Lucianeis ullum virum post Rutillianum erui posse, quem in re publica versantem Lucianus Romae convenerit.

Rutillianum igitur Lucianus a nuptiis, quas cum Alexandri filia paravit, dehortatus est.<sup>1</sup> Rutillianus autem Romae erat<sup>2</sup>: ergo Lucianus quoque aliquamdiu Romae commoratus est. Certissime, hoc non nego, sed nullo modo ex eo colligi licet, quamdiu illic fuerit. Sophistas enim peregrinantes celerrime et ipsum imperatorem et alios viros illustres<sup>3</sup> cognovisse ex Philostrati vitt. Soph. facile est intellectu. Namque illis temporibus graeca eruditio Romae tantopere vigeat, ut facile qui non nisi graece loqui didicisset, diu Romae commorari et viris romanis nobilissimis familiariter uti posset. Tum vero Lucianum ut erat inimicissimus mendacio atque superstitioni, tale consilium dedisse mihi quidem videtur consentaneum, etiamsi nondum longinquus usus sibi intercessisset ac familiaritas cum Rutilliano: cum praesertim veteres neque tanta cautione vituperare neque laudare tanta temeritate quanta recentiores solitos esse ex Samosatensis ipsius libellis passim discatur. Atque etiam Rutillianus, qui illo consilio neglecto puellam tamen in matrimonium duxit, Lucianum parum novit: an oraculum eum petiturum fuisse putas ab Alexandro de Luciano ipso, si cum eo iam diutius vixisset?<sup>4</sup> Denique Rutillianus sermonis graeci compos erat, cui cum Alexander graeca reddidisset responsa, ab eo graeca quaesita esse constat.<sup>5</sup>

Itaque usque adeo nihil necessitatis video, cur Lucianum bene latina scivisse credamus. Tum vero in primis statuendum est, omnes fere eius aetatis auctores graecos latina parum didicisse. Quod ni fallor e Luciano ipso

1) Alex. c. 54.

2) Alex. c. 30. 35.

3) Talem fuisse Rutillianum e Luciano satis constat. Eum consulem anni 169 p. Chr. fuisse suspicor: cf. Klein, fasti consulares p. 78.

4) Alex. c. 54.

5) Alex. c. 51.

cognoscitur, qui talia verba facit de omnium Graecorum *πενταδεκήμερον* scientia, ut suum ipsius scientiae statum indicasse videatur, cf. de merc. cond. c. 24: *καὶ οὐκ αὐχέρη ἐν τοιοῦτῳ πληθύνει Ποικιλεῖ μύθος ξενίζων τῷ τριβῶν καὶ ποικίλως τὴν Ποικιλεῖν φωνὴν βαρβαρίζων*; Dubium non est, quin hoc *βαρβαρίζων* iis quoque Graecis attribuendum sit, qui diutius in Italia versati sint, nisi omnino sermonis latini ignari manebant: cuius rei exempla recentioris quoque temporis populi praesto sunt. Sic Plutarchus, ut exemplum afferam notissimum, etsi rerum romanarum studiosissimus erat, tamen *ὁπρὲ καὶ πῶς οὐκ ἔμαθεν ἑλληνικῆς* linguam latinam didicit.<sup>1</sup> Atque si perscrutamur scripta Lucianea, num reperiri possint, quae ex libris auctorum romanorum seu pedestrium seu poetarum sint desumpta, prorsus nihil reperiemus. Melius igitur quam Wielandius, qui dissimulatam esse a Graecis cognitionem Romanorum putat,<sup>2</sup> Fr. A. Wolfius et Sieversius Graecos eorum temporum non modo non imitatos esse literas romanas, sed ne legisse quidem indicaverunt.<sup>3</sup> Itaque Ziegelerus, cum per multa afferat, quae Lucianus e graecis omnium scriptoribus temporum hauserit, de romanis nihil investigare potuit depromptum.<sup>4</sup>

Deinde, ut, quid Lucianus de Romanis senserit, forsitan paulo dilucidius perspiciamus, videamus, quomodo rerum gestarum romanarum veterisque memoriae cognoverit ordinem.

1) v. Demosth. 2. Cat. mai. 7.

2) ad d. merc. cond. 25.

3) Wolfius in ann. ad Hor. Sat. I, 1, 15. Sieversius in vita Libanii p. 12, cf. Cramer, diss. de studiis, quae veteres ad aliarum gentium contulerint linguas. Sundiae 1844 p. 18.

4) in comment. de Luc. poetarum iudice et imitatore p. 43: 'scriptor aliquis latinus num a Luciano expressus sit, diu multumque quaesivi, sed frustra.' Verba quae Iacobitzius ad Alex. c. 12 quasi romana e Luciano affert, recte intellecta esse negat Ziegelerus p. 44. Neque igitur operae pretium est, pluribus Iacobitzium refellere aliosve similiter indicantes, ut Grauertum, qui ait Anal. p. 162: 'den in der lateinischen Literatur so bewanderten Lucian.'

Ex antiquorum regum numero nominantur tres in Macrobius c. 8: 'Πομπύλιος Νουμάς ὁ εὐδαιμονότατος τῶν Ῥωμαίων βασιλέων, Σέρβιος Τούλλιος, Ταρκεντίος ὁ τελευταῖος Ῥωμαίων βασιλεύς.' Sed iste libellus omnium vv. dd. consensu subditicius putatur; quod his ipsis Romanorum nominibus allatis iam demonstratur. Nam quantum distet ratio commemorandi romana in loco vere Luciano ab illo spurio, ut videas, velim conferas Ver. Hist. II, 17: 'βαρβάρους δὲ Κέρους τε ἀμφοτέρους καὶ τὸν Σέβην Ἀνέχαρτον καὶ τὸν Θόρκα Ζάμολξιν καὶ Νουμᾶν τὸν Ἰταλιώτην.'<sup>1</sup> Numa igitur hoc loco neque rex est neque Romanus: *βάρβαρος* est ex eorum numero, qui vel sapientes existimati vel Graecis amici in insula beatorum versantur.

De secundo vero loco, quo Numa nominatur, valde ambigo. Verba enim in Apophr. c. 8 sunt haec: 'ἐνθ' ἐνδεῖ ἦν μὲν ἡ τοῦ ἔτους ἀρχή, μάλλον δὲ ἡ αὐτοῦ τῆς μεγάλης νομίας πρώτη, ἐν ᾗ οἱ Ῥωμαῖοι κατὰ τὴν ἀρχαίαν ἐχοντοίαν τε αὐτοὶ ἐπὶ ἑλάντος τοῦ ἔτους εὐχάς τινας καὶ θύονσι, Νουμᾶ<sup>2</sup> τοῦ βασιλέως καταστησαμένον τὰς ἱερονομίας αὐτοῖς, καὶ πεπιστεύσαντι τοὺς θεοὺς ἐν ἐκείνῃ μάλιστα τῇ ἡμέρᾳ χρηματίζεν τοῖς ἐχομένοις. ἐν τοιαύτῃ τοίνυν ἑορτῇ καὶ ἱερομνήᾳ ὁ τότε γελᾶσας<sup>3</sup> πλ.

Enuntiatio igitur relativo: ἐν ᾗ ... ἐχομένοις miro quodam modo narratione interrupta de Romanorum antiquitatibus exponit Lucianus, quod alio loco nusquam fecit.<sup>3</sup>

1) Non dubito, quin Cyrus maior natu beatitudinem suam illi libro Xenophontis debeat. Numae vero nomen et personam Lucianus nescio an ex Pythagoreorum libris noverit, quos accurate legit, cf. pr. lapsu c. 5. — Zamolxis Pythagorae servus ac discipulus erat, cf. Iamblichum Vit. Pyth. 173.

2) codd. ΔΕΦ hoc loco exhibent: *θεοῖσιν αμα*, quod respiciendum esset, nisi A in Apophrade pessimus videretur.

3) Uno tantum loco antiqua institutio romana commemoratur, in I. de Salt. c. 20: 'ἐπὶ τοῖς δίκαιοις μηδὲ τῆς Ῥωμαίων ἀρχαίας ἀμνημονεῖν, ἦν οἱ εὐγενέστατοι αὐτῶν τῷ πολέμοι καὶ τῶν θεῶν ἄρει οἱ Σάμιοι καλούμενοι — ἱεροσύνης δὲ τοῦτο ὄνομα — ἀρχοῦνται σεμνοτάτην τε βίαν καὶ ἱερωσίαν.' In hoc libro, in quem tam multa

Itaque facere non possum, quin omnia ea, quae sunt post ἐν ᾗ usque ad v. *ἱερομνήας* pro interpolatione Christiani cuiusvis habeam. Neque enim probabile est, Lucianum, quamvis superstitionis irrisor fuerit, tantopere miratum esse hanc religionem, cum etiam apud Graecos antiquitus certis diebus di maxime colerentur, ut tali rei arridens diceret: 'πεπιστεύσαντι τοὺς θεοὺς ἐν ἐκείνῃ μάλιστα τῇ ἡμέρᾳ χρηματίζεν τοῖς ἐχομένοις.' Haec ni fallor ex Christiana cogitatione exorta sunt: quod eo veri similis est, quia ille dies, qui 'votorum nuncupatio' vocabatur, usque ad VII. saec. p. Ch. celebratus est.<sup>1</sup> Deinde hoc enuntiatum recedit a scribendi usu Luciano, quod ad vocem *Ῥωμαῖοι* articulus additur. Statuendum enim est, rhetores graecos Lucianoe aetatis v. *Ῥωμαῖοι* sine articulo usurpare.<sup>2</sup> Ideoque a Luciano. — Macrobius si rationem non habemus — semper articulus omittitur excepto uno loco, Imag. c. 17, ubi articulus 'τῶν' in 'ῥῶν' mutandus videtur.<sup>3</sup>

de saltandi arte undique collecta sunt, romana prorsus praetermitti non potuerunt. Itaque non interrumpunt illa verba narrationem, sed complent. Ceterum haec quoque a graecorum rerum memoria profecta esse possunt, cf. Lobeck, Aglaoph. II p. 1292. — At aliis de causis illum libellum de salt. genuinum esse cum Bekkero Schmiedero Fritzschio non puto.

1) cf. Mommsen in Ber. d. sächs. Ges. d. Wiss. 1850 p. 66.

2) Itaque Cassius Dio in narratione historica semper addit articulum ad v. *Ῥωμαῖοι*, (nisi praedicative aut partitive ponitur), in orationibus contra insertis opprimit, nisi ut gravior fiat oratio, cf. 52, 9: *ἡμεῖς γὰρ αὐτοὶ, οἱ Ῥωμαῖοι*, et 38, 43: *τὸν ἀνθρώπου τῶν Ῥωμαίων*; aut necessitate coactus grammatica. 38, 38: *οἱ μετὰ ταῦτα Ῥωμαῖοι*. 53, 8: *τοὺς πάλαι Ῥωμαίους*. — Nec vero in Aristide rhetore articulus cum v. *Ῥωμαῖοι* usquam coniungitur neque in Philostrato: nam quo uno loco exstat in vit. Apoll. 8, 27, epistula Nervae refertur. In Maximo Tyrio v. *Ῥωμαῖοι* omnino non invenitur. Ceteris gentium nominibus et a Luciano et ab aliis articulus modo additur modo omittitur.

3) verba sunt: *οὐ γὰρ ἴσον οὐδὲ ἐγγὺς Ἀθηναίων ἢ τότε πολιτεία καὶ ἡ παρῶσα τῶν Ῥωμαίων δύναμις*. — Cf. [Luc.] Demosth. enc. 43: *παρῶν εἶναι ῥῶν*. Alios locos quibus *ῥῶν* additur ad v. *παρῶν* exhibet Henr. Steph. lex.

Sed hunc locum adhuc in medio relinquamus: iam videamus, quanam Samosatensis de rei publicae historia attulerit. Duo tantum nomina invenimus: Scipionis et Sullae. Ut ab hoc ordiar: Sullae bis mentionem facit, sed ita, ut non gloriae romanae amplificandae sed odii ac fastidii excitandi causa nominari videatur. De artificii enim a Sulla correptis Romanisque deportatis agitur et in l. adv. Ind. c. 4, ubi ille ὁ Σέλλας tantum vocatur, et in Zeux. c. 3, ubi Σέλλας ὁ Ρωμαίων στρατηγός nominatur. Itaque hoc facinus a Luciano non e romanarum rerum memoria, sed e graecarum compertum esse quis est, quin videat?

De Scipione vero quid sentiam, paulo uberius mihi disputandum esse puto. Dial. mort. XII Alexander et Hannibal de prioris sedis iure altercantes ad Minoem accedunt, ut fiat litis arbiter. Apud Minoem uterque, oratiuncula paris longitudinis vel ad offensionem adversarii vel ad commendationem sui habita, merita sua illustrat. Tum cum Alexander, qui posterior verba facit, in fine: 'εἰρήνη', inquit, 'σὺ δὲ, ὦ Μίνως, δικάζε· ἵκανὰ γὰρ αὐτὸ πολλῶν καὶ ταῦτά', subito Scipio intercedit verbis: 'μὴ πρότερον ἢ μὴ καὶ ἐμοῦ ἀκούσης.' Hic tamen res gestas non item verbis dilatat, sed paucis tantum adumbrat. Denique Minos Alexandrum primum, secundum Scipionem, tertium Hannibalem censendum esse iudicat.

Complura<sup>1</sup> sunt quae in hoc dialogo displiceant. Primum quidem miramur, quod Scipio solus a Luciano unus ex omnium Romanorum numero, non solum in mortuorum

1) In eo tamen quod Scipionem maiorem cum minore confudit, fortasse non offendendum, quia hic error ab antiquissimis temporibus usque ad sequiora saepius committitur; cf. loc. interpol. Hor. carm. IV, 8, 15 seqq. et Lehmannum in edit. dial. mort. (1822) p. 567 annotantem: 'in quem errorem etiam non indoctissimos homines incidisse memini.' Sic in translatione dialogi nostri, quae saec. XV confecta est (vid. infra), et pugna ad Zamam commissa et bellum Numantinum commemorantur facta eiusdem imperatoris.

dialogis, verum etiam in tota libellorum congerie laude aliqua ornetur.<sup>1</sup>

Deinde nescio an Lucianus tertiae quoque personae certanti orationem eiusdem longitudinis attribuerit, atque etiam in prooemio dialogi iam de ea verba fecerit. Scipione accedente illam pulcrum, qua plerique placent Samosatensis dialogi, concinnitatem irritam fieri iam is v. d. sensit, qui med. saec. XV., ni prius, dialogum XII. in sermonem latinum transtulit, cum orationem Scipionis ad eandem atque Alexandri Hannibalisque produceret longitudinem: quod rectissime factum esse concedes, si quidem cum Fritzschio Lucianum 'hic ne esse quidem satyricum, sed totum prope rhetoricum' putaveris.<sup>2</sup>

Sed iam graviora addamus. Iterum enim est mentio eiusdem certaminis facta: in Ver. Hist. II, 9, ubi verba leguntur haec: 'τοῦ δ' ἐδικάσθη, περὶ προεδρίας Ἀλεξάνδρου τε τοῦ Φιλίππου καὶ Ἀντίβου τοῦ Κασσιδωρίου, καὶ ἔδοξε προέχειν ὁ Ἀλέξανδρος.' Itaque cum nemo credo dubitet, quin Ver. Hist. libri post dialogos mortuorum conscripti sint, verbis allatis quasi nutu auctor dialogum XII. iam pridem in publicum emissum designat. Quomodo igitur eo loco Scipionem silentio praeterire potuit? Hemsterhusius ille quidem ad XII. dialogum c. 1 annotat: 'ibi (scil. in ver. hist.) de Scipione nihil, quippe Romanorum nullos cum eo delatus fuit Lucianus, insula Beatorum habuit.' Dicendum erat: 'barbarorum nullos;' at eandem ob causam nihil dicere potuit de Hannibale, 'qui ne ipse quidem in c. 17, ubi barbari beati enumerantur, commemoratus est.

Accedit aliud. Iam Wielandius rectissime annotavit ad c. 7: 'Man braucht nur die beiden Reden des Hannibals und Alexanders gegen einander zu stellen, um zu sehen, daß

1) Aliud est, si Arrianus, Luciani amicus, laudatur: Alex. c. 2. cf. c. 55. De Augusti laudibus v. infra.

2) in edit. III, 2, p. 13. Quod si verum esset, singulariter factum esset in omnium dial. mort. numero.

Lucianus dem Africaner den Vorzug giebt.' Omnia fere, quae in dialogo XII. ab utroque praedicantur, mihi exscribenda erant, si, quam praeclarum illud Wielandii esset, ostendere vellem. Subtilissima ea notata esse sine dubio neminem fugiet, qui post XII. dialogum, eos qui insequuntur, XIII. et XIV. perlegerit, e quibus item Alexandrum non ita magni a Luciano aestimatum esse elucet. Macedonum autem regem nostro quoque dialogo a Luciano hominem vanum ac gloriosum describi, optime et universae color orationis et verba elata Alexandri demonstrant haec: c. 4.: 'ἵκαν' γὰρ ἡ φύσις<sup>1</sup> διδάσκει σε, οἷος μὲν ἐγὼ βασιλεὺς, οἷος δὲ οὗτος ληστὴς ἐγένετο... δεινὸν ἡγησάμενος, εἰ μὴ ἐπ' αὐτὸν κρατῆσαι... c. 5.: 'ὦ Μίνως, ἡμεῖς ἴσμε, ὅσοις ἡμῖν νεκροὶς ἐπὶ μίαν ἡμέραν κατέπεμψα'. . . c. 6.: 'τί ὦν μέγα ἔπραξα Ἰταλίαν ἀναμῶτι λαβὼν καὶ Αἰθίαν καὶ τὰ μέγιστα Γάδειρον ἐπαγόμενος' καὶ. Quae cum ita sint, lis Alexandri et Hannibalis non ita intellegenda est, ut serio accuratum ordinem, uter maior sit dux, scriptor constituere voluerit, quod quidem — Luciani indignum — pueris fortasse placeat, sed ut *ειρωνεία*, ut graeco vocabulo utar, lepidissima atque vere Lucianea in ea inveniatur. Minos igitur quamquam ab aequissimo quoque iudice Hannibali prior sedes attribuenda erat, tamen Alexandrum, quem inferiorem fore ex ipsius oratione omnes lectores suspicantur, Africano sine ulla dubitatione — Graecus Graecum — praeponit. Atque eodem modo Lucianus de Homeri cum Hesiodo certamine cavillatur in Ver. Hist. II, 22: 'λοιγῶν δὲ τῇ μὲν ἀληθείᾳ παρὰ πολὺ ἐκρέτει Όμηρος, ἐνίκησε δὲ ὕμῳς Ἡσίοδος. Si autem Scipionis verba, quibus nihil severius esse potest, adduntur, de vi satyrica cogitari non iam licet, sed de iusta Imperatorum aestimatione. Tum vero Minois iudicium, ut est, plane ineptum evadit,

1) Nescio an his verbis designentur studia rerum Alexandri magni, quae ea aetate cum ab aliis tum ab ipsis imperatoribus romanis ridiculo quodam modo colebantur. cf. Hertzberg. *Untergang des Hellenismus* p. 21 seqq. et Lombroso in *Memor. della r. acad. delle scienze di Torino*. Ser. II, t. 27, p. 537.

quia certe Scipio primus collocandus fuit: quod is, qui saec. XV. dialogum in latinum sermonem vertendo commutavit, recte sibi constans fecit.

Tum vero quaerendum videtur, quid sit illud, in quo quasi certamen sit controversiae imperatorum. Lis enim conflata est *περὶ προεδρίας*, h. e. de sede praecipua. Neque igitur de pluribus sedibus cogitandum est, quarum primae inferior dignitate secunda, secundae tertia sit, quod in vocabulo q. e. *προεδρία* minime inest. Non dubito, quin Luciano ante oculos versatum sit Aeschyli Euripidisque certamen *περὶ τραγωδικοῦ θρόνου*;<sup>1</sup> neque vero illic inter tres lis est, neque inde, quod Euripides cum Aeschilo poetarum praeside certat, officitur, eum certe secundum putandum esse poetam: de secundi vel tertii aestimatione omnino non disputatur. Eodemque modo apud Lucianum unus praeses eligendus est, qui omnium imperatorum principatum, *θρόνον στρατηγῶν*, ut ita dicam, apud inferos obtineat. Iudicium autem Minois, qui tres ordine imperatores disponit, etiam hac ratione ineptum est: non enim est *χρίσις περὶ προεδρίας*.

In codicibus vero, qui quidem accurate collati sint, omnia fere vestigia interpolationis oblitterata sunt: nisi quid habet momenti id quod Fritzschi<sup>2</sup> notavit, titulum dialogi XII. esse in vetustissimo cod. Vindob. 123 (saec. X.) *Ἀλεξάνδρου καὶ Ἀντίβοι*. Itemque Herwerdenus primus vidit,<sup>3</sup> in cod. Marc. 434 verba: *Ἀλεξάνδρου καὶ Ἀντίβοι*, a priore manu scripta esse, reliqua *Μίνως καὶ Σκυρίωνος*, a recentiore addita. Denique respiciendum est, dialogos mortuorum multis vitiis laborare, id quod valeat potissimum de partibus eorum extremis.<sup>4</sup>

Ceterum memoria repetenda est, in tribus illis libris Luciani scripta nonnulla latino sermone continentibus, qui annis 1494, 1497, 1516 editi sunt, dial. mort. XII. unum

1) Ar. Ran. 769. cf. Ziegeler l. c. p. 21 seq.

2) Fritzschi<sup>2</sup> in edit. III, 2 p. 7.

3) in l. Plutarchea et Lucianea p. 57.

4) cf. Fritzschi<sup>2</sup> in edit. III, 2 p. 1 seq.



extare ex omnibus scriptis vere Lucianeis, qui ter typis expressus sit. Itaque luce clarius perspicitur, cum illis temporibus persaepe in scholis lectum esse,<sup>1</sup> quo facilius, quomodo factum sit, ut tantopere sit commutatus, explicatur.

Quae cum ita sint, etiam prioribus temporibus, quoad graece legebatur, dialogum saepius tractatum atque commutatum esse probabile est.<sup>2</sup> Lector igitur vel magister scholae aliquis, dialogo male intellecto, Scipionis nomen desiderans, cum recordatus esset narratiunculam quae de Hannibalis et Scipionis colloquio tradebatur,<sup>3</sup> conclusione Lucianea suppressa, ea, quae nunc habemus, addidit. Nec tamen ausus iam est ita mutare ordinem, ut Alexandrum, cui primae a Luciano delatae erant, omnino neglegeret, aut tam multa addere, ut sermo Scipionis cum aliis adaequaretur.

Restat, ut de imperatoribus, quae Lucianus commemoraverit, pauca addantur. Augustus in l. de saltat. c. 34 nominatus est, cum ex eius temporibus ars saltandi floreret. Deinde vero fortasse primo obtutu mirum videtur, quod in l. pr. laps. c. 18 inest narratiuncula e vita Augusti desumpta, quae in laudem magni Romanorum imperatoris affertur. Sed hoc ni fallor bene explicari potest. Nam cum auctor rem haberet cum nobili Romano,<sup>4</sup> non amicitia commotus, sed propemodum coactus necessitudine excusandi, facere non

1) Editiones Avenion. a. 1497 et Lips. 1516 expressas in usum scholarum editas esse aperte in praefationibus dicitur.

2) Lucianum iam saec. IV. a correctore et atticista audacter recensitum esse Fritzscheius affirmat in edit. I, 1, p. IV. cf. Croisetum in Annal. Burdelot. 1881 p. 78 seqq. et Rohdium in Philol. Anz. 1872 p. 488: 'Es schlichen sich sehr bald *πενδεύματα* ein. Man verfuhr darin sehr leichtsinnig im Sophistenzeitalter.'

3) cf. Fritzscheium in edit. III, 2, p. 13.

4) Wielandius (V, 244) multum sudavit in verbis quae sunt in fine: 'ὁ φίλιαι Ζωζηνιέ' explicandis. Opinatus enim est, hoc nomine nuncupatum esse virum ad quem scriberet Lucianus. Fefellit Wielandium, iam in Syll. Reitz. I p. LX an. b. (ed. 1743) dictum esse: 'ipsum Aesculapium medicinae inventorem alloquitur.' Ne quis autem miretur, quod vocabulo *φίλιαι* allocutus sit deum, quippe qui '*φίλιος θεοπάτωρ*' (cf. Aelian. de nat. an. 9, 33) senibusque carissimus sit. Atque

potuit, ut aliud temperantiae simulacrum nobilissimo Romano proponeret, nisi ipsum Divum quem omnes sibi imitandum sumpserunt. Attamen hanc quoque narrationem non latine sed graece scriptam fuisse, cum Lucianus eam legeret, luce clarius demonstrari potest. Quid enim? libertus cum festinandi, ut gratias ageret, studio concitatus linguae lapsu in illa '*ζακῶς*' et '*ἄδύζωος*' incidisset, num aliud quidquam in animo habuit, nisi graeca quae sunt '*ζακῶς*' et '*δύζωος*' verba? Atque etiam Augustum, quippe qui vv. '*γλῶττα*' et '*γνώμη*' luderet, graece respondisse manifestum est.

Ex aliorum omnium, qui ante Samosatensis tempora vixerunt, imperatorum numero Nero solus in l. de saltat. cc. 63 et 64 commemoratur, non sua tamen, sed saltatoris cuiusdam causa, qui eo tempore floruit.<sup>1</sup> Ex aequalibus Marcum nominat in Alex. c. 48. Nomine omisso de imperatore quodam (de Pio fortasse) loquitur in l. d. Peregr. morte c. 18. Saepius bella iis temporibus gesta commemorari consentaneum est,<sup>2</sup> sed ne verbum quidem dicitur de iis, quae antea gesta sunt a Romanis praeclara.

Quod fortuito factum esse certe nemo cogitabit. Itaque Cobetus in var. lect. p. 351: 'Nonnunquam', inquit, 'Lucianus rodit Romanos et romana vitia, sed tecte et cautissime, et in palliata fabula gentem togatam obscure perstringit' et porro: 'passim in fictis tyrannorum personis et nominibus terrarum dominos castigat vel ridet.'

Quae quamquam partim paulo artificiosius excogitata videntur,<sup>3</sup> in universum rationem, quae inter Lucianum et Romanos intercedebat, rectissime designant. Veritus enim

etiam Arist. rhet. I, p. 53 (Dind.) exclamat: 'ὁ φίλιαι Ἠρώλεις'. cf. Votum Atheniensium apud Marcum Antoninum comment. V, 7: 'ἴσθω, ὁ φίλε Ζεῦ'.

1) Dial. qui vocatur *Νέκτων ἢ περὶ τῆς οὐρανίας τοῦ Ἰσθμοῦ* spurium esse inter omnes constat.

2) Alex. c. 48. de hist. conser. 15. 25. 27.

3) Sic in tyrannorum personis nihil de Romanis: Platonem secutus eos castigavit Lucianus, cf. Fritsch. in edit. III, 2, p. 149.

atque aspernatus est Lucianus commemorare res Romanorum, aut, siquando fecit, ignominiae potius quam gloriae causa est locutus.

## IV.

## De Demonacte philosopho.

His proximis annis vv. dd. de Demonacte saepius disserentes vel diversissimas protulerunt sententias cum de auctore vitae Demonactis eiusque consilio, tum de Demonacte ipso, num illis temporibus re vera extiterit. In hanc quam posteriore indicavi loco sententiam mihi ante omnia accuratius inquirendum esse existimo.

A. Schwarzius<sup>1</sup> tota commentatione eaque satis copiosa, ut statim summam sententiae complectar, demonstrare conatus est, Demonactem philosophum nunquam fuisse, sed a Luciano fictum esse, ut exemplum perfecti Cynici aequalibus daret.

Videamus quibus rationibus Schwarzius hanc novam quandam sententiam muniverit.<sup>2</sup>

Primum quidem Schwarzius statuit haec: Dubium esse non potest, quin tota morum ingenique Demonactis descriptione id agatur, ut perfecti philosophi species ac forma adumbretur. Atqui Lucianus saepius usque ad vitae finem<sup>3</sup> philo-

1) Zeitschr. f. d. österr. Gymn. 1878 p. 561—594. Contra Schwarzium Ziegelerus, pro eo Wichmannus nonnulla scripserunt in Jahrb. f. Phil. 1881. Fritzscheius (in edit. III, p. 2, p. I) nuperrime hanc Schwarzii disputationem plane ac prorsus reiecit. Omnes hi vitam Demonactis Luciani libellum esse genuinum, Bernaysius (Luc. u. d. Kyn. p. 108) Bekkerum secutus eum pro subditicio putandum esse existimavit.

2) Quamquam, quod et Schw. ipse annotat, et doct. Solanus ad Dem. c. 1 annotaverat, Olearius in edit. Philostr. (a. 1709) p. 556: 'Si tamen', inquit, 'eius (Luciani) est, quae inter Luciani opera extat de Demonacte fabula.' Solanus autem alia quaedam affert Olearii dicta de Luciano mirabilia.

3) affert locum Apol. c. 15 'μηδὲ ἄλλω γούρ ἐντετέχνηκα τῆς τοῦ σοφοῦ ὑπόσχεσιν ἀποπληροῦν.'

sophum summum atque excellentem unquam sibi occurrisset negat: ergo quoniam re vera βίον Λυκάβρατος Samosatensis conscripsit, Demonactem fictam esse personam oportet. Sed si, quod Schwarzius ipse confirmat,<sup>1</sup> Lucianus non sibi sed Cynicis simulacrum philosophi finxit, quid hoc ad Luciani ipsius sententiam de summa philosophia adipiscenda?

Ceterum Nigrinum quoque egregium fuisse philosophum arbitratus est Lucianus: quod item contra illa verba Apol. 15 repugnat. Neque cum Wichmanno haec repugnantia ita solvi potest, ut dicamus Nigrinum quoque fictam esse personam: nam etsi hoc verum est, Lucianus haud dubie decipere voluit specie historica, ne ipse castigator populi romani esse videretur. Adiciendum igitur erat auctori aliquid de Nigrino in Apologiae loco: si modo hic et talos loci Samosatensis premendi sunt. At si quis nonnullis verbis, cum praesertim prorsus alio tempore scripta sint, tantam vim attribuire volet, semper in qualibuscunque locis huius auctoris haerebit. Certe Lucianus, si quem ipse summum ac perfectum iudicavit philosophum fingere voluisset, non Cynicorum disciplinae sectatorem, sed cuiuslibet alius, velut Epicuri, potius descripsisset. Sed si Cynicis speciem perfectam quandam Cynici ante oculos ponere voluisset, quomodo eclecticum effingere potuit, qui quamquam vulgo in Cynicorum numero habitus esse videtur, tamen Peregrinus Proteus, ipse Cynicus, ei crimini dedit, quod Cynicus non esset? (c. 21.) Atque verbis, quae in c. 5 insunt haec a Schwarzio pro genuinis habita: 'φιλοσοφίας δὲ εἶδος οὐχ ἓν ἀποτεμύμενος, ἀλλὰ πολλὰ ἐς ταὐτὸ καταμίζας οὐ πᾶν τι ἐξέφανε, τινὶ αὐτῶν ἔχαρεν,' luce clarius demonstratur, neque Cynicum proponi neque ullius scholae sectatorem,

1) l. c. p. 594: 'Er wollte aber auch den Kynikern nicht seine eigenen Lebensgrundsätze, sondern ihr Ideal vorstellen' et: 'Herausgefordert von den durch die Λυκάβρατ neuerdings gereizten und gekränkten Scheinphilosophen, welche sich Kyniker nannten, hielt ihnen Demonax das Ideal eines Kynikers entgegen: und dies ist der Zweck der Schrift.'

sed eclecticum, qui ob eam causam ad Cynicorum disciplinam specie propius accedebat, quod non tam doctrina et subtilitate, quam simplicitate et natura philosophabatur.

Schwarzius igitur eo consilio Demonactis vitam a Luciano scriptam putat, ut optimam philosophi speciem depingeret. Certe ex cc. 1 et 2 elucet, auctorem operam navare, ut exemplum philosophi boni adolescentibus, qui ad philosophiae studium sese dare velint, praesto sit, cf. c. 2: 'ὅς.. οἱ γενναῖοι τῶν νέων καὶ πρὸς φιλοσοφίαν ὁρῶντες ἔχουσιν .. κανόνα προστίθεσθαι καὶ ἡλὸν ἐκείνον ἄριστον ὃν οἶδα ἐγὼ φιλοσόφων γενόμενον.' Sed Schwarzius haec ipsa verba pro spuriis habet, cum capita 1 et 2 interpolatori cuidam christiano addicat. Interpolator igitur, non Lucianus, id spectavit, si Schw. sequimur ducem, ut exemplum optimi philosophi constitueret, aut certe, si id quod Luciani consilium fuisse Schwarzius vult, recte intellexit, disertis verbis idem exprimi oportere putavit. Incertissimum autem profecto est, sententiam de libello aliquo fulcire fundamentis, quae potissimum e parte spuria depromenda sunt: ubi enim Lucianum ipsum tale quid dixisse Schwarzius putat? Atque si interpolator ille christianus eandem vim exempli, quam iam in Luciano scripto invenit, suis verbis augere voluisset, non intellego, cur omnino libellum retractaturus fuerit.

Deinde Schwarzii sententiam infirmant illa, quibus peculiaris veri hominis vita depingitur. Quid enim? Demonactem Cypri natum esse ecquid ad summi illius philosophi speciem? Nonne Athenis ortum esse magis consentaneum fuisset eum, quem fere semper Athenis vixisse voluit scriptor? Cum praesertim Luciano cordi esse non posset, ut deciperet lectores de persona Demonactis, quem semper in foro Atheniensi versantem finxerat. Sed hoc ne Schwarzium quidem fefellit.<sup>1</sup> Itaque toto caelo distat persona Nigrini, quem peregrinum maxima in urbe in domum inclusum induxit.

1) cf. p. 590: 'Für die gleichzeitigen Griechen gab es hierin keine Täuschung' etc.

Secundo loco Schwarzius,<sup>1</sup> ut fidem historicam Demonacti philosopho detrahat, mirum esse dicit, quod neque aequalium neque insequentium scriptorum quisquam ante Eunapium nominaverit talem virum, qui seditionem in citionem progressus sedavisset, qui toto populo publice lugente mortuus, postea adeo cultus esset, ut lapis quo fessus acquiescere solitus esset, adoraretur. Male, nisi me fallit animus, miratus est. Quaero: quis tandem ante Eunapium Lucianum ipsum commemoravit? Nemo, neque aequalium neque posterorum. Olim vv. dd. hoc explicare studuerunt eo, ut dicerent, Philostratum omnino de eo tacuisse, quod Luciano ob ingenii varietatem infensus fuisset. Sed cum ne hoc quidem demonstrare potuerint, mihi verisimilius videtur, Philostratum tacuisse, quod omnino pauca illa scripta sophistica vel rhetorica a Luciano conscripta esse nesciens, eum in numero sophistarum omnino non haberet. Lucianus enim tanta satyricorum libellorum scriptor gloria florebat, ut mediocrem<sup>2</sup> illam quam rhetor deportaverat, mox prorsus obliteratam esse consentaneum sit. Philostratus vero, si privata ira ita obcaecatus fuisset, certe e. c. Aspasium sophistam, qui ipsius patri inimicissimus fuit,<sup>3</sup> aut silentio praeferisset aut ei maledixisset: attamen moderate et pro

1) quem hoc quidem loco Ziegelerus sequitur, Jahrb. f. Phil. 1881 p. 334.

2) Hoc e rhetoricis quae supersunt Lucianei scriptis et ex eo quod rhetoricam dereliquit constare videtur, etiamsi Suidae testimonium neglegamus. Quae Lucianus ipse de hac re dicit, parum valent. Rhetorices enim sermones, qui in Bis Acc. leguntur, magni momenti esse nemo existimabit. Restant igitur illa Apolog. c. 15 verba, quibus Lucianum magnam gloriam peperisse rhetoricam elucet: sed eximie Fritzschius et acute eo loco verba duabus tantum literis immutatis ad Sabinum refert, quod contextus desiderare videtur. Legendum igitur est: 'ἐξ γὰρ ἐπιτιμῆς, ὃν πρὸ πολλοῦ ἔδειν ... ἐναριθμοῦμενος.' (ed. I, 2 p. 211).

3) de inimicitiiis Aspasii et patris Philostrati alibi sese verba fecisse Philostratus dicit: quo in libro, aut uno aut pluribus, nunc amisso Luciani quoque fortasse mentio facta erat.

virī dignitate de eo disseruit in V. S. II, 33. Eodemque modo, si respexerimus Philostratum de patre suo, de Nica-gora Atheniensi, de Apsine Phoenice nihil dixisse (V. S. II, 33, 4 fin.), quod de amicis scribens timeret, ut fidem inveniret, hunc scriptorem, quamvis superstitiosum, tamen animi minuti aut angusti fuisse non credemus. Sed si revera Philostratus nihil de Luciano ut de deorum contemptore attulit, simul habemus explicationem, cur de Demonacte quoque tacuerit, qui non secus ac Lucianus cogitavit de dis atque religionibus, quae a Philostrato permagni aestimata sunt.<sup>1</sup> Hoc igitur argumentum Schwarzii nihil valet.

Deinde Schwarzius de fragmentis Demonactis quae in florilegiis graecis non ita rara inveniuntur, pauca addidit. Sed his neque Schwarzius satisfecit, neque, quod valde miror, Ziegelerus neque Wichmannus ea omnino attigerunt, quanquam in hac re cardo quaestionis versatur.

Schwarzius tria tantum dicta Demonactis novit ex Ioan. Stobaeo et Ioan. Damasceno desumpta; cogitasse non videtur nec de Antonii Maximive florilegiis, ne de commentatione Fr. V. Fritzschii, quae Rostochii a. 1864 primum edita nunc demum in editionis viri praestantissimi vol. III. p. 2 pag. X—XXVI repetita est.

Enumerata sunt a Fritzschio fragmenta XXIV, a quibus nonnulla statim discernenda sunt, quia sine dubio aliis philosophis tribuenda sunt. Itaque praetereo fragm. IX. XXIII. XXIV.

Primum fragmentum Fritzschii senarius est: *ἄνθρωποι γεγάτες μὴ φρονεῖν ἐπὶ θεοῖς*, qui ap. Stob. flor. 22, 16 cum lemmate *Διμῶνακτος* legitur. Versus aut cuius poëtae Demonacti attribuendus est, aut nostro Demonacti, quod hoc versu, ab antiquo poëta petito, saepe utebatur. Itaque vix in fragmentis Demonactis perscrutandis respiciendus est.

1) cf. Vit. Dem. c. 11. 23. 27 et Fritzschium ed. III, 2 p. XXVI: 'ipsa religio videtur Demonactis et Luciani quasi quaedam copula fuisse, quorum utrique commune fuit superstitionis odium acerrimum, ut vix statui posset, uter eorum liberius de rebus sentiret divinis.'

Duo vero fragmenta, quae deinde a Stobaeo memoriae tradita sunt, nihil dubitationis admittunt:

fragm. III Fritzschii = Stob. flor. 21, 8: *Ἀνμῶναξ ἐρω-  
τηθεὶς ποῦτε ἤρξατο φιλοσοφεῖν· εἶπε καταγυγνῶσκειν, ἔφη,  
ἐμαυτοῦ ἡρξάμεν.*

fragm. IV Fr. = Stob. Eclog. II, 1, 11: *ἐξαιζόντων  
τινῶν, εἰ ὁ κόσμος ἔμψυχος, καὶ αἰθεὶς εἰ σφαιροειδής· ἐμεῖς,  
ἔφη, περὶ μὲν τοῦ κόσμου πολυπραγμονεῖτε, περὶ δὲ τῆς  
ἑαυτῶν ἀνομιᾶς οὐ φροντίζετε.* Idem est ap. Antonium  
Serm. 37 p. 55, 17 (ed. Genev.) et ap. Maximum II p. 600  
(ed. Combefis), cum lemmate *Διμῶνακτος*.

Sequuntur ea, quae in aliis florilegiis sub nomine Demonactis inveniuntur, apud Stobaeum vero aliis tri-  
buuntur:

fr. XXII Fr. = Anton. p. 278, 19. Max. II p. 579:  
*ὁ λόγος ὅσπερ πλάστης ἀγαθὸς τῆς ψυχῆς περικτίθισι σχῆμα.*  
Hic locus a Stobaeo, flor. 81, 13, Socrati tribuitur, cum  
melius scriptum sit: *ὁ λόγος ὅσπερ πλάστης ἀγαθὸς καλὸν  
τῇ ψυχῇ περικτίθισι σχῆμα.* Itaque pro fragmento Demo-  
nactis habendus non erit.

fr. V Fr. = Anton. p. 222, 48. Max. II, 572: *Διμῶ-  
νακτος. εἰσὶ τινες, οἱ τὸν μὲν παρόντα βίον οὐ ζῶσιν, ἀλλὰ  
παρασκεινάζονται πολλῇ σπουδῇ, ὥς ἕτερον βίον βιωσόμενοι,  
οὐ τὸν παρόντα.* Sed Stob. flor. 16, 19 idem exhibet cum  
lemmate *Ἀντιφῶντος* in hunc modum auctum: *εἰσὶ τινες,  
οἱ τὸν παρόντα μὲν βίον οὐ ζῶσιν, ἀλλὰ παρασκεινάζονται  
πολλῇ σπουδῇ, ὥς ἕτερόν τινα βίον βιωσόμενοι, οὐ τὸν  
παρόντα· καὶ ἐν τούτῳ παραλειπόμενος ὁ χρόνος οἴχεται.*  
Fritzschius p. XVI Demonacti haec verba attribuit, sed quae  
addit, ut sententiam muniret, mihi quidem parum veri  
similia videntur. Incredibile enim est, lemma *Ἀντιφῶντος*  
ex 16, 29 in hunc locum arreptum esse. Probabilius res  
evenisse videtur sic: Locus attributus erat Antiphonti, sed  
cum lemma casu aliquo omissum esset, compilerator *τῆς βίβλου  
τῶν παραλλήλων*, qui hoc loco Stobaeum usurpavit, hunc  
locum ei attribuit auctori, cui antecessens a Stobaeo addictus



erat, i. e. Democrito.<sup>1</sup> Ex nomine Democriti deinceps Demonactis nomen corruptum est, quae duo nomina in hoc libro Parallelon saepius confusa sunt. Sauppius igitur suo iure hunc locum inter Antiphontis fragmenta recepisse mihi videtur.

Addo iam alia duo fragmenta, quae Fritzschiuss, qui Maximum non respexit, non commemoravit:

1. Max. II p. 538: Δημόνακτος· ἔνιοι πόλειον μὲν δεσπόζονσι, γυναιξὶ δὲ δουλεύουσιν. Sed ne hoc quidem Demonactis videtur, cum a Stobaeo bis Democrito tribuatur, flor. 6, 11 et 7, 26, quo posteriore loco leguntur haec: Ἀνδρεῖος οὐκ ὁ τῶν πολεμίων κρατῶν μόνον, ἀλλὰ καὶ ὁ τῶν ἡδονῶν κρείσσων. ἔνιοι δὲ πολίων μὲν δεσπύζονσι, γυναιξὶ δὲ δουλεύουσιν.

2. Max. II p. 587: Δημόνακτ. ὁ αὐτὸς ἐρωτηθεὶς· τίς αὐτοῦ διδάσκαλος γεγονώς εἶπεν τὸ τῶν Ἀθηναίων, ἔφη, βῆμα, ἐμφανῶν οὐκ ἢ διὰ τῶν πραγμάτων ἐμπειρία κρείττων πάσις σοφιστικῆς διδασκαλίας ἐστίν. Etiam hic locus a Stobaeo flor. 29, 91 rectius affertur cum lemmate Δημάδους, ad quem optime quadrat, cf. Bernays. Phokion p. 130.

Haec omnia habemus fragmenta quae in Stobaeo inveniuntur, atque aut ab hoc aut ab aliis Demonacti attribuantur. Si complectimur omnia, duo tantum restant, quae haud dubie Demonactis sunt. Haec sunt apophthegmata, in quibus Demonax ut tertia persona loquitur: itaque Wachsmuthio assentimur dicenti<sup>2</sup>: 'Nicht minder ist der Kyniker Demonax, von dem das Parallelenbuch zahlreiche Gnomē citirt, als Schriftsteller dem Stobaeus unbekannt.' Appono deinceps ea fragmenta, quae a Stobaeo omnino

1) Eodem modo ap. Max. II, 561 et Anton. p. 80, 7 sententia affertur cum lemmate Δημοκρίτου, quae in Aeschini Ctesiphontēis § 147 invenitur. Apud Stob. flor. 43, 35 recte cum lemmate Διοκρίτου legitur: sed huic quoque loco sententia Democriti antecedit. Cf. Wachsmuth. Stud. z. d. griech. Florilegien p. 150.

2) Wachsmuth l. c. p. 130.

absunt, sed, ut illa duo priora, in apophthegmatum forma tradita. Inveniuntur autem haec:

fr. XIV Fr. = Anton. p. 6, 23. Max. II, 532. Flor. Lips. 5 p. 12. Arsen. p. 191 (ed. Walz): τοὺς τῶν σοφιστῶν ἐπιμελουμένους, ταυτῶν δὲ ἀμελοῦντας ὠνειδίξεν ὡς τῶν μὲν οἴκων ἐπιμελουμένους, τῶν δὲ ἐνοίκων ἀμελοῦντας.

fr. XVI Fr. = Anton. p. 79, 19. Max. II p. 563: σοφιστοῦ τινος αἰτιωμένον αὐτὸν καὶ λέγοντος· διὰ τί με κακῶς λέγεις; οὐ μὴ κακωφρονεῖς, ἔφη, τοῦ κακῶς λέγοντος.

fr. XXI Fr. = flor. Lips. p. 4 (Westermann): αἰτιωμένον τινὸς τῶν ἐταίρων αὐτὸν καὶ φήσαντος· οὐκ ἔχουσιν σε τῷ ἐχθρῷ μου φίλον εἶναι· σὲ μὲν οὖν, ἔφη, οὐκ ἔχουσιν τῷ φίλῳ μου ἐχθρὸν εἶναι.

Habemus igitur quinque apophthegmata, quae quamquam optime congruunt cum eo Demonacte, qui a Luciano describitur — conferantur cum verbis: 'ὅτε κακωφρονῶσιν ἑαυτοῦ ἡδῶν' ea, quae sunt in c. 9: '(ἐν) οἰκείας πρὸς τὰ κατὰ δόμους καὶ ἐμφύτων πρὸς φιλοσοφίαν ἔρωτος ἐκ παίδων κεκινημένος' et Fritzschiuss ad fragm. IV — tamen in Luciano ipso non insunt. Fritzschiuss autem, qui post c. 11 magnam quandam lacunam permulta hausisse putat (cf. p. XXVI), cum dicat, alia 'severa', alia 'iocosā' fuisse apophthegmata, quorum illa abrepta essent lacuna, haec quinque apophthegmata, de quibus agitur, ex nostro libello Luciano integro fluxisse arbitratus est. Sed hoc minime verisimile videtur: primum quod Stobaeus Lucianum scriptorem omnino non novit, deinde quod singula 'severa' apophthegmata etiam in 'iocosorum et amoenorum' Luciani numero leguntur, cf. cc. 20. 32. 51. 59. 62. Denique nescio an haec quinque apophthegmata, praecipue quod ap. Fritzschi. XVI. est, non 'severis' illis, quae Fritzschiuss deperdita voluit, sed potius 'amoenis', sive, ut graeca adscribam verba Luciani: 'τοῖς εἰσιτόχοις τε ἔμα καὶ ἀστεϊῶς λελεγμένοις' (c. 12) apponenda fuerint. Neque igitur dubitandum est, quin haec apophthegmata ex alio quodam fonte hausta sint.

Quae cum ita sint, quoniam aliam atque Luciani collectionem dictorum Demonactis extitisse conspicuum est, num quis etiam nunc de ficta philosophi persona cogitabit, cum praesertim haec quae collegimus florilegii reliqua, quamquam nequaquam pendent e Lucianea vita, optime cum ea congruant?

Videamus nunc quomodo quae supersunt fragmenta Demonactis hanc sententiam fulciant. Sunt autem haec:

fr. VI Fr. = Anton. p. 209, 42. Max. II p. 585 Ioan. Damasc. cf. Stob. ed. Meineke IV p. 196: *Δημόνακτος· οἱ ἀπαίδεστοι καὶ ἀνέτοιχοι οἱ ἀλιεῖς ἐκείνοι ἐκείνους σιγῶσι.*

fr. VII Fr. = Ioan. Damasc. cf. Stob. ed. Mein. IV, 196: *Δημόνακτος, ὁ ὕψιστος καὶ σοφώτατος· τὰς μὲν πόλεις ἀναθήμασι, τὰς δὲ ψυχὰς μαθήμασι κοσμεῖν δεῖ.* Sed apud Anton. p. 56, 23. Max. II, 585 extat cum lemmate *Δημοκρίτου*. Recte Wachsmuthius l. c. p. 169 nr. 18 hoc dictum in Gnomologium byzantinum ex τῶν Δημοκρίτου Ἰσοκράτους *Ἐπιτελέτων* a se restitutum recepit.

fr. VIII Fr. = *ἡ τῶν περιστάσεων ἀνάγκη τοὺς μὲν φίλους δοκιμάζει, τοὺς δὲ ἐχθροὺς ἐλέγχει.* Neque hic locus inter Demonactea putandus est, cum Arsenius solus cum huic philosopho tribuat. Wachsmuthius l. c. p. 192 nr. 155 cum suo iure in *Δημοκρίτου Ἰσοκράτους Ἐπιτελέτων* dictorum numero collocavit.

fr. X Fr. = *ἐν ἀλλοτρίοις παραδείγμασι παιδεύει σεαυτὸν καὶ ἀναθίς τῶν κακῶν ἐστὶν.* Hoc dictum est ap. Anton. p. 39, 1 post alium locum Demonactis et in Arsenio 7, 16<sup>e</sup> (ed. Gott.) cum lemmate *Δημόνακτος* itemque ap. Max. II, 534 post locum Clitarchi. In flor. Lips. p. 15 (ed. Westermann) idem locus Clitarchi antecedit, noster autem habet lemma *τοῦ αὐτοῦ*, scil. *Κλειτάρχου*. Apparet, lemma *Δημόνακτος* forte excidisse in libro, quem scriptor florilegii Lips. exscripsit. Dubium igitur esse non potest, quin hoc Demonactitribuendum sit.

fr. XI Fr. = Arsen. 1, 60: *Δημόνακτος· αἱ μὲν κλειδόμενες ἐκείνων ἡμῶν προσσημαίνονται, οἱ δὲ ἐκ φιλοσοφίας λόγοι*

*ἀλλοτρίων.* Ap. Anton. p. 278, 10 cum lemmate *Μοσχίωνος ἀλ- Δημόνακτος* invenitur. In medio igitur relinquendum est.

fr. XII Fr. = Anton. 6, 19. flor. Lips. p. 12: *Δημόνακτος· τοσοῦτον εἰς ἀρετὴν προσθήσεις, ὅσον ἂν ἐφέλγῃς τῶν ἰδίων.* Nihil dubitationis admittere videtur.

fr. XIII Fr. = Anton. 6, 21. flor. Lips. p. 12: *Δημόνακτος· αἰσχρὸν μὲν ἐν ἄλλοις ἀποδέχεσθαι τὰς ἀρετὰς, ἐν ἑαυτοῖς δὲ ἔχειν τὰς κακίας.* Item.

fr. XV Fr. = Anton. 238, 24. Max. II p. 590: *δείκνυσθαι μὲν ἢ τροπὴ τῶν κατ' ἀλήθειαν ἀνθρώπων, ἢ δὲ ἀντιχρὴ τὸν φρόνημον.* Item.

fr. XVII Fr. = Anton. 156, 54. Max. II p. 647: *τοῖς ὁσὶ πλέον ἢ τῇ γλώττῃ χρῶ.* Item.

fr. XVIII Fr. = Anton. 217, 19. Arsen. 7, 7<sup>a</sup>: *ἐλάσσω κακὰ πάσχονσιν οἱ ἀνθρώποι ἐπὶ τῶν ἐχθρῶν ἢ ἐπὶ τῶν φίλων· τοὺς μὲν γὰρ ἐχθροὺς δεδιότες φυλάττονται, τοῖς δὲ φίλοις ἀνευγμένον εἰσὶ καὶ γίγνονται σφαλεροὶ καὶ ἐπειθεῖς.* Item.

fr. XIX Fr. = *μυστήριον ἐν φιλίᾳ ἀπολύεις ἑστέρον ἐχθρὸς γενόμενος μὴ ἐκείνης· ἀδικεῖς γὰρ οὐ τὸν ἐχθρὸν ἀλλὰ τὴν φιλίαν.* Hic locus ambiguus est, legitur enim sine lemmate et ap. Anton. 217, 14 post locum Demonactis et in excerptis Vindobon. cf. Stob. ed. Mein. IV p. 293 post Sexti locum.

fr. XX Fr. = *μὴ πῆσαι φίλον, ὃ μὴ πάντα πιστεύεις.* Est ap. Anton. 217, 27 post duos locos Demonactis, sed ibidem 215, 7 post locum Sexti. Itaque ambiguus est.

Ad fr. XV. Fritzscheius addit hunc locum: *οὔτε οἱ ἀπαίδεστοι τὰς ἐχθρὰς δένανται συναρμόσασθαι.* Dubium esse dicit, utrum Moschioni datus sit locus an Demonacti apud Anton. 238, 22. Sed apud Max. II p. 590 aperte Demonacti tribuitur, quocirca eum revera Demonactis esse veri similis est.

His fragmentis addam ea, quae a Fritzscheio non allata a Maximo Demonacti tribuuntur, neque quod quidem videam quidquam dubitationis admittunt.

Max. II p. 600: ἐγκαίνων νοσεῖ πᾶς περίεργος ὁ τὰ ἄλλό-  
τρια πολυπραγμονῶν.

Max. II p. 614: δεῖ ὅσπερ φορτίον τὴν λέγειν ἀναθέμενον  
μὴ στένοντα φέρειν.

Max. II p. 652: τοῖς Ἀσκληπιάδαις μεῖζον ὁφείλεται  
χάρις ἐπεχομένην ἀναστέλλονσι νόσον ἢ παρατεσοῦσαν ἰαση-  
μένοις, τοῦ γὰρ ἀτηλλάχθαι κακοῦ τὸ μὴ πάσχειν αἰρετώ-  
τερον.

Restat fragmentum a Wachsmuthio l. c. p. 130 ex-  
scriptum ex Melissa Augustana, nondum edita, in qua com-  
plura adhuc incognita Demonactis fragmenta inesse confirmat:  
οἱ ἀνθρώποι τὰς μὲν κατασθενάζουσι καὶ ἐντάφια ὥσπερ  
μέλλοντες αὐτοῖς χρήσασθαι· ἀφορίαν δὲ καὶ ἀνελίαν τὴν περὶ  
τοῦ θανάτου, ἣ χρήσονται, οὐ κατασθενάζονται.

His omnibus locis adscribam unum, qui etsi sub nomine  
Demonactis traditus non est, tamen huius philosophi esse  
existimo. Leguntur enim in Georgid. cod. Laur. fol. 61<sup>r</sup> haec:  
κόλαζε χωρὶς ὀργῆς τὸν ἁμαρτάνοντα, καὶ δειμονίζῃν τοὺς θέλειν,  
ἀλλὰ μὴ σκευάζῃν ἐμφανῶν ὁμότητα. Lemma est adpositum  
Δημοζῳάτης. Hoc nomen falsum esse Fritzschi III, 2  
p. XIX et Cobetus V. L. p. 13 demonstraverunt. Wachs-  
muthius igitur hunc locum in gnomologium ἐκ τῶν Δημο-  
ζωίτου Ἰσοζῳάτου Ἐπειρήτου recepit, cf. p. 206 nr. 258.  
Sed Fritzschi l. c. recte: 'Neque dubitari potest', inquit,  
'quin pro Δημοζῳάτης saepe Δημοζῳίτος corrigendum sit ..  
attamen in hoc uno non sunt omnia. immo alia nihil olent  
e Democriteis, alia Democrito dare ne per dialectum quidem  
licet', et p. XVII: 'nomina Δημοζῳάξ Δημοζῳάτης Δημοζῳί-  
τος Δημοζῳίλος saepius confusa sunt.' Quod supra iam vidi-  
mus quodque eo clarius fit, si comparavimus codices saepe  
in lemma 'Δημοζῳάτ.' scribentes, quod a 'Δημοζῳάτ.' et  
'Δημοζῳίτ.' vel minime differt. Itaque vix licet, semper  
Δημοζῳάτης sine ulla dubitatione mutare in Δημοζῳίτος,  
sed gnome ipsa respicienda est. Noster autem locus tam  
bene comprobatur eis, quae apud Lucianum leguntur in  
c. 7, ut eum Demonactis esse credam.

Fragmentum vero, quod apud Fritzschi. II. est: 'κόλαζε  
τοὺς ἀλλὰ μὴ θυμοῦμενος', Demonacti attribuendum esse  
non puto, sed cum hoc, de quo agimus, cum eadem sen-  
tentiam haberet atque ab eodem verbo ordiretur, ita com-  
mutatum esse, fortasse initio in codice velut exemplum  
suprascriptum, ut lemma quoque arriperet. In archetypo  
igitur erat:

κόλαζε τοὺς ἀλλὰ μὴ θυμοῦμενος  
Δημονακτος κόλαζε χωρὶς ὀργῆς τὸν ἁμαρτάνοντα πλ.  
ἀλλ.  
Δημοζῳ.

Deinde in codice sequiore:

Δημονακτος κόλαζε τοὺς ἀλλὰ μὴ θυμοῦμενος  
Δημοζῳ. κόλαζε χωρὶς ὀργῆς τὸν ἁμαρτάνοντα πλ.

Antonii vero (p. 133, 51) et Maximi (II p. 595) fons omisit  
plane secundum fragmentum verum Demonactis retinuitque  
prius cum lemma Δημοζῳάτης ἀλλ. Δημοζῳ.

Sed de fragmentis Demonactis haec hactenus. Non erat  
mihi propositum, ut de singulis eorum omnem removerem  
dubitationem, hoc demonstrare volui: haec fragmenta non  
modo non esse negligenda in quaestione quam tractamus,  
verum etiam eius discrimen facere. Nam si quis ea quae  
hoc secundo loco attuli fragmenta animo complexus perlustra-  
verit, aliquantum interesse inter haec et ea quinque quae  
apophthegmata nominavimus concedet, cum apophthegmata  
Demonactem cum aliis fortuito colloquentem inducant, haec  
tamen fragmenta e philosophiae praeceptis aut ab ipso aut  
ab aequali conscriptis desumpta sunt. Itaque quoniam supra  
ostendimus, illa apophthegmata non fluxisse e Lucianea vita,  
nunc tertium de Demonacte philosopho librum credemus  
extitisse, in quo de philosophia eius actum sit. Haud  
inepte igitur Fritzschi l. c. p. XXV suspicatur: quamobrem  
paulo post mortem Demonactis alius philosophus et haec  
Demonactea et sine dubio alia generis ejusdem in lucem  
edidisse censendus est. Itaque fortasse discipulorum aliquis  
haec ex ore magistri excepta literis mandavit. Tamen nescio

an veri similis sit, omnia haec fragmenta ex Demonactis ipsius libellis excerpta esse. Nam cum ipsum scripserit quaedam, verba mihi videntur indicare, quae sunt in vit. Dem. c. 4: *ἔχων ἀπέλθε τοῦ βίου πολλὴν ἐπεὶ αὐτοῦ λόγον τοῖς ἀρίστοις τῶν Ἑλλήνων καὶ ἀλλοτρίων.* Inprimis haec: *τοῖς ἀρίστοις* digito demonstrant, quod quidem videam, scripta philosophica, quae nemini nisi *τοῖς πεπαιδευμένοις* placere potuerunt.

Sed quo modo cunque haec res se habet, nemo diutius cogitabit de Schwarzii sententia, quacum qua ratione ea quae de fragmentis exposui concilianda sint ne ipso Argo quidem perspicacior homo videbit. Itaque quae reliqua affert ille argumenta multo brevius refellere conabor.

Tertio igitur loco Schwarzius admiratur, cur Lucianus hunc illius aetatis sapientissimum virum neque in aliis tot scriptis usquam commemoraverit, neque ei libellum quemquam dedicaverit. Ante omnia Demonactem nominandum fuisse in c. 7. Eunuchi, ubi *ἐπὶ τῇ Στωϊκῶν καὶ Κυνικῶν* eadem fere contra Phaborinum moventur ioca, quae Vit. Dem. c. 12. 13 narrantur a Demonacte dicta. Sed Schwarzius non observavit consuetudinem Luciani, qui aut perraro aut nunquam vivum quemquam nomine in scriptis suis appellavit. Itaque et in mortuos demum Alexandrum et Peregrinum invectus est, neque Herodem Atticum (cf. Peregr. 19. 20) nec Phaborinum (Eun. c. 7) nec Bithyniae procuratorem (Alex. 57) neque alios multos aequales, quamdiu vivebant, nominibus designavit. Itaque Ziegelerus rectissime l. c. p. 334 annotavit: *‘entweder liegt ein Irrtum vor, oder es ist unter den ‘Stoikern und Kynikern’ eben kein anderer als Demonax zu verstehen.’*

De altero isto argumento, Lucianum Demonacti libellum non dedicasse, mihi disserendum esse non puto. Nam exiguo labore decem illorum temporum viros enumerare vellem, quibus Lucianus libros dedicare vel potius epistulas scribere potuisset. Atque eodem iure negarem Philonem, Cronium, Sabinum, Timoclem, Celsum unquam extitisse, quippe quos

Lucianus, quamquam epistulas ad eos dedit, reliquorum librorum in congerie nusquam nominaverit.

Restat ut de quarto Schwarzii argumento pauca addam. Dicit enim, aetatem magistrorum Demonactis, qui c. 3 nominantur, partim non quadrare ad Demonactis. Inprimis — nam serio de Demetrio non dubitat — Agathobulum minorem natu fuisse quam Demonactem putat, quam ob causam huius magistrum fuisse non posse. Nam cum Eusebius hunc philosophum circa annum 120 p. Ch. n. floruisse tradat, Schwarzius Eusebio nimis confidens illum tricesimum quintum annum egisse pro certo habet. Sed Ziegelerus l. c. p. 335 suo iure iam hanc conclusionem refutavit.

Deinde vero multa incertiora Schwarzius de Phaborino commentus est. Concludit enim ex eo, quod Phaborinus edidit quaestionem, quae in c. 12 inest haec: *‘τίνα δὲ καὶ ἐφόδια ἔχον ἐκ παιδιᾶς εἰς φιλοσοφίαν ἵζεις;’* maiorem eum natu fuisse quam Demonactem. Oblitus autem est Schwarzius, hac quaestione superbiam sophistae illius designari, atque omnino Phaborini animum risu et cavillatione Demonactis irritatum fuisse.

Sed etiam quod Wichmannus de varietate locorum, quibus illi magistri Demonactis habitaverint, dicit, non est tanti, quanti ipse putat (l. c. p. 848). Neque dubium fere est, quin et illi philosophi Athenas viserint, nec Demonax semper uno loco manserit, quamquam in vita eius nihil de itineribus: sed hic ne Cipro quidem Athenas factum iter narratur.

Deinde vero prorsus nescimus, num illi viri, qui c. 3 nominantur, revera magistri Demonactis fuerint. Verba enim sunt haec: *‘οὐκ Ἀγαθοβούλου μὰ Δὴ οὐδὲ Δημητρίου πρὸ αὐτοῦ οὐδὲ Ἐπιζύγιου ἐπεχειράντων, ἀλλὰ πᾶσι μὲν συνεγένετο τοῖς τοῖς καὶ ἐν Τιμοκράτει τῇ Ἡρακλεώτῃ . .’* Priora autem verba *‘οὐκ — ἐπεχειράντων’* mihi quidem videntur ob id ipsum praemitti, ne quis de magistris cogitaret, si verba *‘πᾶσι συνεγένετο τοῖς τοῖς’* legeret. Nam verbum, q. c. *συνγγήρεσθαι τινι* nequaquam semper dicitur de disci-



puli cum magistro consuetudine.<sup>1</sup> Ac ne ea quidem verba vit. Dem. c. 1: *τῷ Δημόναζι καὶ ἐπὶ μάλιστα συνεγενόμεν<sup>1</sup>*, si quidem Lucianea sunt, de consuetudine discipuli cum magistro, sed de consuetudine hominum in universum dici potuerunt.

In altera parte commentationis Schwarzii demonstrare conatus est, vitam Demonactis a seriore quodam auctore retractatum esse atque interpolatum. Qua in re facere non possum quin Schwarzium et Wichmannum aliquatenus sequar.

Primum enim Schwarzio adstipulor dicenti, Lucianum librum de Sostrato non scripsisse: ideoque cc. 1 et 2 aliunde addita esse. Leviora tamen videntur, quibus ipse Schwarzii sententiam suam munivit l. c. p. 565: 'Es scheint uns nämlich erstens bedenklich zu glauben, dass Lukian eine rein schildernde, wenigstens in lukianischem Sinne tendenzlose Schrift, wie Sostratos nach dem angegebenen Inhalte gewesen sein müsste, verfasst habe.' Nam hunc libellum sine certo consilio scriptum fuisse ne credamus, prohibemur primis verbis c. 1; certe liber de Sostrato eodem consilio scriptus erat ac de Demonacte. Maioris momenti videtur, quod Bernaysius in l. Lukian und die Kyniker p. 104 obiecit, incredibile esse, Lucianum, virum iam confirmati ingenii, tanta admiratione Sostrati, solitarii hominis, affectum esse. Atque hoc argumentum constat, quamquam Ziegelerus l. c. complura verba obiecit, quorum apponam nonnulla, ut cognoscatur, quid ille vir doctissimus de Luciani scribendi ratione cogitet; cf. p. 329: 'eine derartige Curiosität musste ja völlig genügen, um die Feder des stoffhungrigen Journalisten in Bewegung zu setzen' (!).

Deinde Schwarzii et Bernaysii se intellegere negaverunt, cur ipse libellus de Sostrato in tanto scriptorum numero interierit. Sed Ziegelerus l. c. suo iure dicit, cum

1) De uno congressu dictum est apud Luc. Philops. 39, cf. Stephanii lex.

nemo sciat, num omnia a Luciano conscripta usque ad nos pervenerint. Sostratum aequè ac complura alia pervenisse potuisse.

Attamen Schwarzii et Bernaysii deliberationi plus accedet momenti, si consideramus, Luciani consuetudinem omnino non esse, ut in uno libello disertis verbis de alio dicat. Excepta igitur apologia c. 3. ubi facere non potuit, quin olim libellum de mercede conductis a se scriptum esse confirmaret, nunquam aperte hoc fecit.

Deinde hic libellus de Demonacte etiam aliud quiddam habet, quod a Lucianea consuetudine abhorreat. Nam scripta Samosatensis omnia in tria genera dividi possunt, sunt enim aut *λαλιά* aut *διάλογοι* aut *ἐπιστολαί*. Inveniuntur tamen novem hi libelli, qui extra hanc divisionem ponendi sunt:

1. *περὶ τοῦ μὴ ῥαδίως πιστεῖν διαβολῇ.*
2. *περὶ τῆς Σοφίης Θεοῦ.*
3. *Δημοσθένους ἐγκώμιον.* — *Διάλογος*
4. *περὶ θουῶν.*
5. *περὶ ἀστερολογίας.*
6. *περὶ πένθους.*
7. *Λόγιος ἢ ὄνος.*
8. *Ἀληθὴς ἱστορία.*
9. *Δημόναζος βίος.*

Septem autem priores libellos inter omnes fere constat spurios esse, octavum vero, diebus festis in conventu studiosorum recitatum, segregandum esse propter proprium quoddam fatum a ceterorum grege supra alicubi demonstravi: restat igitur solus Demonax. Ad recitandum autem minime idoneus fuit hic libellus propter discrepantiam partium et apophthegmatum multitudinem.

Sed ne quis credat, me his verbis iam contra totum libellum pugnare: prooemium tantum mihi displicet, sed non solum quod haec, qua utitur, inusitata est forma libelli, sed etiam quia primum enuntiatum tam generaliter dictum est. Lucianus contra a certo quodam facto vel a propria

quadam narratiuncula festive ac lepide dictis ornata ordini solet.

Postremo loco argumentum ex ipsius Samosatensis scriptis adsumam. In dial. Mort. XXX Sostratus latro inducitur, qui fortasse idem est, atque is, qui apud Demosth. in epistula Philippi (p. 162 Reiske) commemoratur. Denuo Sostratus aliquis nominatur in numero sceleratorum hominum in Alex. c. 4. Dubium autem esse non potest, quin hoc loco spectet Lucianus ad eundem hominem, de quo iam dial. mort. XXX dixerat. Atqui liber de Alexandro mago sine dubio post illum de Sostrato scriptus est, qui Dem. I commemoratur. Quomodo igitur Lucianus, si duos Sostratos cognovit, quorum de utroque scripserat, altero latrone, altero vero latronum extinctore (cf. c. 1: *ληστὰς ἀναιρόν*), illo loco Alexandri nullo verbo addito de Sostrato latrone cogitare potuit? Quibus rebus commotus cum Schwarzio nego, hanc paragraphum a Luciano scriptam esse.

Deinde Schwarzius verba facit de cc. 1—11, quae turpiter corrupta esse existimat. Wichmannus autem eum adiuvans singulas interpolationes excutere conatur. Qua in re facere non possum, quin ego viros doctos vel maximam partem sequar. Nam c. 3 propter inconditum dicendi genus et confusam orationem Luciani esse non puto. Sin autem quod Wichmannus, ceterum acute, fecit, verba *ἀλλὰ πᾶσι μὲν συνεγένετο . . . παρακληθεῖς* et *ἐπερεῖδε . . . ἀλθῆσαν* eiciamus, restant duo deinceps enuntiata, quae a particulis *οὐ μὴν* incipiunt, quod ferri non potest. Verba autem: *Τιμωρήσει τῷ Ἡρακλεῖτι δαδὶ ὡδοῖ φωνήν τε καὶ γνώμην μάλιστα χειροσκημμένῳ* a Luciano scripta esse non sine veritatis specie est, cum ex Alex. c. 57 sciamus, Lucianum magni eum aestimasse. Neque habeo cur verba *ἀλλ' ἐν οὐκείᾳ πρὸς τὰ καλὰ ὁμιλῆς κεκινημένος* contempserim, cum praesertim optime iungantur cum c. 4: *οὐ μὴν ἀνίπτοις γε ποσὶ κεῖ*. In c. 4 Wichmanno consentio verba: *ὥστε ἐπεὶ . . . καταλιπὼν* improbant, sed etiam *καὶ τὰς ἐν φιλοσοφίᾳ προαιρέσεις . . . ἀψάμενος ἡπίστατο* ex alio loco huc

venisse puto. Optime autem aptantur haec primis verbis capitis 5, quod etiam Schwarzius (p. 567) recte vidit. Schwarzius et Wichmannus etiam cc. 8—10 corrupta esse crediderunt: neque in hac re ab eis dissentio. Sed quomodo restituenda sint, neque illi satis iuste docuerunt neque ego ostendere possum. Hoc tamen statuo, verba c. 10: *καὶ πάντα ταῦτα μετὰ Χαρίτων κεῖ*, non esse eicienda, sed artisime cum c. 9: *ἔπεισεν ἐπιοργεῖν τῇ παιρῶδι τὰ μέτρια* coniungenda.

Denique pauca de c. 11. Schwarzius, quem Wichmannus sequitur, putat, hoc caput a Christiano interpolatore huc collocatum esse, cum ea, quae Demonax de sacrificiis et mysteriis dixerat, comparatione Demonactis cum Socrate facta exornaret. Namque Schwarzio veri simile esse non videtur, tale quid revera illis temporibus evenisse. Sed etiamsi vere non sit factum, tamen non puto fas esse de Luciano dubitare auctore, quem saepius res aut in maius extulisse aut imminuisse satis constat: de Socrate autem eiusque accusatoribus cogitare amat Lucianus.<sup>1</sup> In tota narratione vero ipsa Luciani mens mihi spirare videtur, excepta extrema parte capitis: *καὶ τοὶ ἐξ ὅδ' ἐν ἀρχῇ — ἐκαλέλειθ' ἴσαστε*, quae aliunde videntur petita esse. Quod autem Schwarzius dicit, hanc narrationem tollendam esse, quod discreparent illi *Ἄντιοι καὶ Μέλῃτοι* a verbis c. 63: *ἐχθρόν οὐδένα οὐδένα ποιεῖ ἐσχχῶς*, ipse sibi pugnat cc. 12 et 13 aliaque pro genuinis habens: nemo enim dubitabit, quin Phaborinum Demonacti inimicum fuisse.

Recte Schwarzius contendit, post verba capitis 63: *περὶ πάντων* totum caput 64 inserendum esse.

Quae cum ita sint, Schwarzio concedendum erit, libellum de Demonacte non sine magnis corruptelis ad nostra tempora pervenisse, sed ea quae de persona et consilio inter-

1) cf. Fugit. 3: *τὸν Σωκράτην ἀπέκτειναν ἐπὶ Ἀντίον κατηγορηθέντα*. Pisc. 10: *τί ἐν εἰπομένῳ Ἀντίου περὶ καὶ Μελήτιου*, bis acc. 6. Iup. conf. c. 16.

polatoris addit, plane inania sunt. Putat enim libellum Lucianeum de Demonacte circa trecentessimum annum p. Chr. n. retractatum esse a Christiano quodam, coque refert complura frusta. Sed longum est talia refellere commenta, sufficit hoc loco memorem esse eorum quae Ziegelerus (p. 332) et ipse defensor Schwarzii Wichmannus (p. 845) de hac re dixerunt. Nec vero quisquam, si et in cc. 1. 2 et in ceteris capp. libelli interpolationes inesse concesserit, negabit, rationem intercedere inter interpolatorem capitulum 1. 2 et ceterorum veri simile esse. Prooemium autem libelli ab aequali Sostrati et Demonactis scriptum esse ex ipsis verbis elucet: ergo etiam cetera, in quibus offenditur, quoniam nihil obstat temporis, ab eodem scriptore profecta esse credemus.

Itaque ut paucis complectar sententiam meam: duo libelli de Demonacte extiterunt, unus Luciani, alter alius scriptoris eiusdem temporis, qui de Sostrato quoque scripsit. Hos duos posterior quidam scriptor, ni fallor post Eunapium, excerpserit,<sup>1</sup> atque in unum confudit.

Sed accurate de hac quaestione hoc loco disputare mihi non erat in animo, satis habeo, si demonstravi hucusque, et Demonactem philosophum revera illis temporibus extitisse, et ea, quae in vita Demonactis leguntur, iisdem temporibus, h. e. non ita multo post mortem Demonactis scribi potuisse.

Quo fundamento satis certo, de ipso demum philosopho iudicare possumus.

De vita perpauca inveniuntur in 'Vita' Demonactis. Cypri natus erat, e gente nobili ac potenti. Sed plura de Demonacte Cypri vivente non traduntur; etiam ea, quae c. 54 de Rufino Cyprio narrantur, Athenis videntur facta esse. Postea enim Athenis vivebat. Quemnam aetatis annum illuc venerit, quaeque itinera interea fecerit Demonax, omnino non indicatur. Nec vero probabile est, eum Cypro

1) Hoc testari videntur verba, quae in fine sunt: 'ταῦτα ὁλίγα πένν ἐκ πολλῶν κτλ.'

Athenas recta via profectum ibi statim semper mansisse. Fortasse igitur, si obscurata vestigia apophthegmatum sequi volumus, Demonax in Macedonia versatus est (c. 15), Romae (cc. 38. 40. 41), in Lacedaemone (c. 46), in Epiro (c. 55), certe Olympiae (c. 58) per diu vero Athenis (c. 11 et passim). Annum fere centesimum agens mortuus est (c. 63). Iis quae Fritzehius in edit. vol. II, 1 p. 189 de tempore Demonactis optime attulit, nihil habeo, quod addam.

Quae de eruditione Demonactis traduntur, optime inter se congruunt. A puero studio philosophiae sese iam dedit, natura atque ingenio suo permotus (c. 3). Neque alium habent sensum quae c. 12 fin. narrantur. Quibuscum optime comparatur fragmentum: *ἡμῶναξ ἐρωτηθεὶς πότι ἡρώτατο φιλοσοφεῖν· οὗτε καταγνώσκειν, ἔφη, ἑμαυτοῦ ἡρώτατο.*

Demonax autem non 'ἀνέλοις ποσὶ' accessit ad illam vitae rationem, sed postquam poetas legit et didicit et eloquentiae studio se dedit nec corporis cultum neglexit. Propterea in apophthegmatis saepius invenimus eum athletarum certamina spectantem iudicem eorum haud elementem (c. 16. 38. 49. 65). De literarum cognitione pauca inveniuntur: Apollonii Rhodii Argonautica noverat (c. 31), Homerum (26. 60. 61), de Danaë mythum (c. 47), denique philosophorum opera, imprimis Platonis et Aristotelis (c. 33. 56. 48. 62). Neque singularum sectarum praecepta atque dogmata ignorabat, sed nullum magistrum plane sequens multorum decreta ad suam ipsius sententiam ac disciplinam redegit, maxime vero ei Socrates et Diogenes placuerunt (c. 5).

Pauca, quae de philosophandi ratione Demonactis dici potuerunt, hoc loco collegi. Dubium esse non potest, quin philosophiae pars moralis ut aliis huius aetatis ita nostro philosopho vel maxime curae fuerit, sed etiam logicorum et dialecticae studio magis sese dedisse videtur quam alii, e. c. Epictetus. Inprimis enim naturali quadam ingenii acumine ei dilemmata quae vocantur atque sophisticæ conclusiones iucunda fuerunt, sed non tam adiuvandorum quam impugnandorum sophistarum causa. Itaque commemorandum

est quod de mysteriis Demonactis dilemma est in c. 11: 'neque, si mysteria mala sunt, tacere possum, ut dehorter non initiatos, neque, si bona sunt, prae humanitate, itaque ipso initiari nolo.' Sacra se non fecisse Minervae dixit, quia deos suis victimis indigere non putavisset (c. 11), neque in templa deorum precatum ire oportere, quia extra templa deos non secus ac in templis audire posse consentaneum sit (c. 27). Alia in cc. 37. 59 leguntur. Sophistica quadam et captiosa conclusione Agathoclem Peripateticum gloriantem, se solum et primum dialecticum esse, sic superare et redarguere studuit: 'Si primus dialecticus es, non solus es, sin solus, non primus.'<sup>1</sup>

In rebus physicis Demonax operam minimam consumpsisse videtur. Irridebat contra speculatores venatoresque naturae, si proferebant, quae se reperisse putabant ab oculorum reliquorumque sensuum ipsa contemplatione abhorrentia. Velut physico cuidam de antipodibus disputanti umbram in aqua ostendit, cum quaereret: 'tales igitur antipodas esse dicis?' (c. 22). Absurdum esse dixit, de mundi 'ζόον' laborare, animi vero ipsius 'δωσμήτωρ' negligere (fragm. IV Fr.). Quantopere mentis sensuumque iudicio confusus sit, cognoscimus ex responso quod dedit interroganti, quot mille minis lignorum crematis minae fumi natae sint: 'Perpende', inquit, 'cinerem, omne quod restat fumus est' (c. 39).

Quid Demonax de immortalitate animi deque post mortem statu cogitaverit, fortasse e quibusdam sentiis eius obscurioribus explorari potest. Opinionem vulgi certe saepe irridebat: nam interrogatus, quid putaret de inferis, responsum suam in iocum derivans: 'Expecta', inquit, 'illinc tibi scribam' (c. 42). Interrogatus denuo, num animum immortalem esse credat: 'Immortalis', inquit, 'sed ut omnia.'

1) Similiter dictum est ap. Hieron. epist. ad Nepotian. de Demosthene et Cicerone: 'Demosthenes tibi (i. e. Ciceroni) praecipuit, ne esses primus orator, tu illi, ne solus.'

Hoc responso Demonax indicare mihi videtur, animum mortui in universum effundi, nec manere sui compotem (cf. cc. 20. 40). Alioquin mirum esset, quod de corpore mortuo ea sensisset, quae cc. 35. 36 afferuntur. Nam cum navigaturus interrogaretur: 'Nonne metuis, ne everso navigio devoreris a piscibus?' 'Ingratus essem', inquit 'si moleste ferrem consumi a piscibus, qui tot pisces ipse epulatus sum.' Idemque moriturus: 'Nolite laborare de sepultura mea', inquit, 'odor me sepiet.'

Quae cum ita sint, nemo mirabitur, quod Demonax caput philosophiae posuit in quaerendo, quomodo quisque in hac vita beatus fieri posset. Beati autem esse nequibunt, ait Demonax, qui et a timore et a spe, quibus humana subiecta sunt omnia, nondum liberati sunt.<sup>1</sup> Ergo liber esto ante omnia philosophus: nihil enim nec spe nec timore dignum est, quia pariter molesta et iucunda existere desinunt omnia (c. 20): indigere non debet aliorum hominum<sup>2</sup> (cc. 4. 8): liber esto ab ira (c. 51), ab curiositate (c. 51. fragm. XVII Fr. et fragm. ap. Max. II p. 600: ἐλευθέρωσθε τὰς περιεργίας ὅτι τὰ ἀλλότρια νοήματα φερόμεν); ab mortis timore (fragm. c. Mel. Aug. all.); ab mendacio (c. 48). Melius esse, omnino non affici doloribus, quam ab iis liberari, quam ob causam maiorem laudem tribuit medicis, si sanos servant, quam si aegrotos curant. Molestias tamen et incommoda aequo animo toleranda esse, quasi sarcinas a natura nobis impositas. Nec dolori nec voluptati nimis indulgendum esse (cc. 24. 25. 33. fragm. XII Fr.). Sed quamquam Demonax aliorum auxilio frui noluit, tamen ipse amicis libenter succurrit (c. 7). Nam amicitiam in humanis rebus summum et sanctum esse bonum arbitratus est (c. 10. fragm. XIX Fr.). Itaque in amicis eligendis erat difficillimus neque alium voluit amicum, quam cui omnia confidere

1) In hac quoque re cum Luciano consensisse videtur, cf. e. c. Char. c. 15 seqq.

2) Recte enim Schwarzius p. 566 annotat, ad verba c. 4: μηδενὸς ἄλλον supplendum esse 'ἀνθρώπου', non esse neutrum.



posset (fragm. XX Fr.), nam putavit homines ab iis, quos amicos esse credidissent, pluribus affici malis, quam ab inimicis (fragm. XVIII Fr.). Sed si quando amicum sibi assumpsit, hunc carissimum habuit et morbo vel morte eius vel maximo dolore afflicto est (c. 10. fragm. XXI Fr.).

Haec fere habemus quae ut Demonactis persona adumbretur, afferre libet. Certe Zeller assentimur dicenti<sup>1</sup>: 'Demonax zeichnet sich weit mehr durch seinen Character als durch seine Wissenschaft aus' et: 'Eine wissenschaftliche Bedeutung hat aber Demonax so wenig, als ein Anderer von dieser Richtung.'

1) Philosophie der Griechen III. 1 p. 692. 693.

## VITA.

Natus sum Adolfus Thimme Elbingerodae anno h. s. LVII. patre Carolo, divini verbi ministro, matre Marianna, e gente Behrensbach. Litterarum elementis imbutus anno LXIX. receptus sum in gymnasium monasterii Ilfeldensis, cuius directori, G. Schimmelpfengio viro illustrissimo etiam hoc loco vel maximas gratias ago. Inde maturitatis testimonio instructus Gottingam et inde Lipsiam me contuli. Göttingae anno LXXX. facultatem docendi consecutus magistri munus in gymnasiis Nordhusano et Verdensi suscepi. Docuerunt me Curtius, Ribbeck, Hirzel, Brandes Lipsienses; Baumann, Dilthey, Gödecke, Guilelmus Mueller, Theodorus Mueller, Sauppe, Wachsmuth Gottingenses. Omnibus his viris vel maximam habeo gratiam, in primis vero Carolo Diltheyo.

